


TNC 2734/0429(2)

28543





天啟六年正月

十五日

...

...

...

...

...

...

先撥志始卷之四

逆賢擅政下



天啟六年正月敕諭東廠太監魏忠賢我祖宗建都於  
燕賴東南漕運以給軍餉若北新倉主事李柱明倖濫甲  
科潛懷穿窬心如廁中之碩鼠形如梁上之鷦鷯不思粒  
粒皆萬民膏脂竟以汶汶潤一家囊橐偷盜之米已盈二  
千九百石之多入己之贓共有一千八百兩之數賴爾忠  
賢甘勞怨而如飴發臺諫所未糾去奸剔蠹嚴勒還倉蓋  
一舉而上閔國計下儆官邪茂績如斯褒嘉何靳除賜銀  
幣羊酒外仍增蔭獎勵

御史余合中疏臣入都門伏讀 聖諭之所褒嘉 宸衷  
之所眷注有潔己急公者以保護于內有矢心端慎者以  
輔弼於外因薦周汝璣等奉 旨廠臣魏忠賢潔己奉公  
悉心保護朕所素鑒周汝璣等着優擢  
御史倪文煥疏稱廠臣助餉以萬計或千計且遠探虜情  
憂 主之憂有特 旨嘉獎  
順天府丞劉志選疏參王之案追贓尚未盡辜孫慎行削  
奪猶輕因頌廠臣功有 旨王之案撫按提解來京究問  
孫慎行撫按另擬戍邊  
南京御史李時馨疏參張戒續須之彥熊明遇奉 旨張

戒續連勘熊明遇黨奸蔑憲削籍未盡其辜仍追奪誥命  
還着撫按提問追贓須之彥有邊才吏部從公看議

左都御史周應秋疏言撫按追贓當嚴犯官楊連等所坐  
贓私鉅萬奉有 明旨追助大工迄今絕無消息各犯其  
家不貧其局易結臣請置循環簿二扇遠者四月一繳近  
者二月一繳庶無沉閣奉 旨這條奏深俾憲綱楊連左  
光斗等贓銀遠者四月近者二月刻期奏消

應山素以廉峭聞追贓嚴切無產可變賣知縣夏之彥  
立簿募金代償家眷俱棲止城樓今乃云其家不貧乎  
給事中陳序疏參孫居相賣身東林黨護王元翰趨附李

三才迎合王圖撫陝駐私狼籍喬應甲可問也又梅之煥  
與楊漣往來盤桓出涕俱宜處分奉旨孫居相駐銀二  
萬一千有奇金九十餘兩着撫按提問追駐助工梅之煥  
黨惡異常一并削奪

御史蔡國用疏詆葉向高孫承宗趙南星等薦趙興邦興  
邦隨有疏答之稱之曰名臣時頗傳笑

皇上諭內閣朕惟君臣父子人道之大綱慈孝敬忠古今之  
通義惟我皇祖神宗蚤建元良式端國本父慈子孝原  
無間然而奸人王之案翟鳳翀何士晉魏光緒魏大中張  
鵬雲等乃借梃擊以邀首功皇考光宗一月御天千秋

稱聖因哀得疾純孝彌彰而奸人孫慎行張問達薛文周  
張慎言周希令沈惟炳等乃借紅丸以快私怨迨皇考  
賓天朕躬續緒父子承繼正統相傳而奸人楊漣左光斗  
惠世揚袁化中周朝瑞周嘉謨高攀龍等又借移宮以貪  
定策之勳而希非望之福將憑几之遺言委諸草莽以待  
封之宮眷視若寇仇臣子之分謂何敬忠之誼安在幸天  
牖朕衷仰承先志康妃皇妹恩禮有加而守正諸臣凡因  
三案被誣者皆次第賜環布列有位特允部院科道諸臣  
之請將節次明旨并諸臣正論命史臣編緝成書頒行  
天下即於新春開館纂脩特命輔臣顧秉謙丁紹軾黃立極

馮銓為總裁官施鳳來孟紹虞楊景辰姜逢元曾楚卿為副總裁官徐紹吉謝啟光余煌朱繼祚張翀華琪芳吳孔嘉吳士元楊世芳為纂修官凡係公論一切訂存其羣黨邪說亦量行摘錄後加史官斷案以昭是非之實務在蚤完成功之日名曰三朝要典以仰慰皇祖皇考在天之靈用副朕覲光揚烈之意

陝西巡撫喬應甲疏叅原左都御史孫瑋奉旨孫瑋原係門戶著削籍為民革去恩蔭仍追奪誥命

又疏叅孫瑋男孫英克惡多款應提問追贓報聞

御史周昌晉疏叅盧化鰲暱比匪人營求要地奉旨盧化鰲鞠審既明除已經削奪擬徒追贓外還行吏部除名永不叙用

御史牟志夔疏叅張問達貪鄙宜罰貲十萬正法追贓有

旨張問達着捐銀十萬兩助工撫按追解

追及三萬家產已盡問達尋卒

上傳與吏部都察院犯官王之案周宗建張慎言熊明遇方

大任等及已故陶朗先楊連左光斗顧大章等家屬奉

旨行彼處撫按追贓已久如何不見回報顯屬違玩還着移

文各省直勒限速解以助大工

左都御史劉廷元疏叅曹學佺私撰野史奉旨

實錄已有旨改正曹學佺私撰野史搖惑人心本當拏

問姑着削籍為民書板嚴追焚燬

御史李光春疏叅葉向高以口蜜腹劍之奸為東林盟主

宜與張我續涂一榛黃正賓並行削奪有旨免議

光春疏出已例推矣人曰好一个本蚤五日可免烏龍

擺尾矣

御史張汝懋疏叅游士任募兵冒破房可壯動支六萬七

千解之士任知府楊嘉祚詭稱新建神武營支銀六萬餘

竟無着落士任嘉祚賍俱宜追再查可壯有無染指議處

有旨着撫按提問追賍

邵輔忠素恨房可壯已密譖之于逆賢欲得人糾劾使

所私轉致高弘圖高謝曰予<sub>子</sub>以病註籍特出疏不便汝

懋聞之遂急出疏疏語有云一代之興必有一代規模

之概說者謂逆賢之不軌未顯汝懋先有佐命之思矣

疏入可壯已擬逮問時上適以小故怒逆賢遂得免

後巡鹽勘稱可壯支解俱有日月原不相干有旨嚴旨

照原叅數追賍

御史梁夢環疏叅何士晉程註沈惟炳門戶渠魁日謀翻

局宜重處并及註子良籌有旨士晉註提問追賍惟炳

削籍良籌除名

吏部尚書王紹徽等公疏請慎遣中使奉旨既稱永樂



宣德間差內使頗多明是祖制朕念封疆恢復無期故特遣內臣查核兵餉原諭並無掣肘鄉等大臣當思仰體着遵前旨行

票內奄出鎮各邊及此旨者願秉謙也貴池特揭諫止力言不便者七不聽凡內奄外差閔防篆文曰某處內官閔防惟東廠則曰欽差提督東廠官校辦事太監閔防其敕諭最為嚴重蓋永樂十八年所建也上即位避御諱改鑄官校曰官旗逆賢擅政內奄紘紘出鎮崑山獻媚票註太監二字遂以為例先廟內奄上疏稱萬歲爺稱奴婢逆賢時盡廢此禮曰皇上曰

陛下曰臣竟與外廷等矣

應天巡撫毛一鷺蘓松巡按徐吉問明毛士龍等招由具奏奉旨毛士龍發邊衛充軍僉妻着伍夏嘉遇行賄得官依律究徒不准納贖姜志禮着削籍為民追奪誥命御史石三畏疏叅劉弘化貪橫邪黨吳炯失身獻媚有

旨劉弘化革職為民吳炯冠帶閑住

給事中潘士聞疏叅韋蕃蕃隨以請告歸

御史徐復陽疏叅魯汝召魏士前郝士膏奉旨魯汝召

阿依邪黨羽翼移宮魏士前恣肆貪婪驟躋臬憲郝士膏

作令不仁麾親無父典試策文訕上無君并前降處方逢

年章允儒願錫疇丁乾學熊奮渭李繼貞都着削籍為民  
追奪誥命董承業文氣稍平姑炤前郝土膏賍私狼籍仍  
提問追賍便據賍從重擬罪士商士膏奉旨削籍  
御史陳睿謨疏叅劉廷諫倚藉權黨孫必顯世投門戶帝  
旨劉廷諫等俱着削職為民追奪誥命  
藩反覆亂政奉旨劉廷諫等俱着削職為民追奪誥命  
御史莊謙疏叅胡應台側身邪黨躡陞司寇有旨革任  
回籍  
御史邢紹德疏叅韓策汪先岍有旨俱削奪  
御史顧宗孟疏叅柯景程紹張鍵有旨吏部議處  
給事中薛國觀疏叅馬之服蕭近高喬允升有旨俱着

閑住

給事中元詩教疏叅魏應嘉為祝耀祖等有旨這所舉  
不當魏應嘉吏部議覆後部覆應嘉照舊供職  
御史丘兆麟疏稱何士晉急公矢義不受其身惟知竭力  
以衛社稷奉旨何士晉削奪尚有餘辜丘兆麟反覆稱  
揚耳目之臣聞見豈宜如此  
御史陳世竣疏叅郝名宦羅汝元王國瑚有旨俱削奪  
御史丘兆麟疏叅趙秉忠劉芳東林遺孽奉旨趙秉忠  
久玷鄉評依附權奸躡躡端尹劉芳委身邪黨芟除正人  
都着削奪

給事中黃承昊疏叅惠承芳荆養喬有旨俱着閑住承

世揚父也

御史李燦然疏叅王國禎倚借惠世揚結交王安洊歷樞

貳如取諸掌有旨削奪

御史卓邁疏叅孟習孔傍邪黨借與援躡同鄉趙健年踰

八十戀雞肋有旨習孔貪橫黨邪趙健昏闇媚奸都

着閑住

御史智鋌疏叅解學龍薦劉宗周王象春王之案為黨惡

侯恪結交汪文言魏大中又與姚希孟繆昌期暗通線索

希圖翻局陷苗思順王忬不得考選有旨解學龍侯恪

東林鷹犬俱着削奪

御史周維持疏叅劉行義王任杰有旨劉行義革去冠

帶聽勘王任杰姑着冠帶閑住

給事中潘士聞疏叅李喬崙陳必謙張國紳有旨李喬

崙陳必謙張國紳等朋比為奸黨邪害正俱削籍為民李

喬崙仍追奪誥命

御史曾應瑞疏叅范鳳翼固張問達所優擢之人也不可

不問也至姜習孔孫紹統疏薦孫慎行毛士龍張慎言不

啻口出不知其人視其所舉此足定二臣之罪案矣有

旨俱着削奪

給事中郭與治疏叅姜雲龍有旨削奪

御史王珙疏叅傅宗臯呂濬張醇儒有旨呂濬着閑住

傅宗臯結黨東林肆毒南國并張醇儒俱着削奪

御史王際遠疏叅畢懋康東林高足邪黨亦幟李騰芳已

經察處遞躡少宰匡母訃鑽枚卜聞憂加銜縉紳不齒均

宜重處有旨畢懋康依附邪黨夤緣撫臣妄報軍情李

騰芳被察復起躡躋佐銓聞訃加銜出自何典俱着削奪

御史王珙疏頌厥臣清別倉儲積耗因叅方大任等薦袁

崇煥等奉旨魏忠賢等國心勤緝奸法密勞怨不避厥

績可嘉方大任貪酷克惡方學用汪應誥行賄得官俱着

削奪方大任仍行彼處巡按提問追駐具奏袁崇煥王新

民該部議覆

錦衣衛題緝獲妖僧本福扇頭有揚州知府劉鐸詩謗訛

時政奉旨劉鐸出身正途心懷偏黨譏切時政侈口妄

言既有詩句圖書足憑着扭解來京與妖僧本福對理

本福扇頭詩有雪戰千山失風狂萬木號之句緝事者

指為謗訛及劉鐸逮至審係歐陽暉所作與鐸無干而

鐸素與魏良鄉善遂得無恙讞上有旨劉鐸既審係

無涉准與釋放着仍以原官候補

南京御史梁克順疏叅梅之煥與劉弘化等同保熊廷弼

趙時用周朝瑞等各疏薦之。煥又有郭士望周士顯賄  
陞吏部得銀千兩陳以聞亦交通僉壬均應重處有旨  
梅之煥已經削奪着撫按提問追贓趙時用陳以聞俱着  
削奪  
江西巡撫郭尚賓題熊明遇招有旨熊明遇不准贖徒  
着依律問遣贓銀一千二百兩追解助工  
尚寶司少卿吳殿邦疏叅樊王家陳保泰枉陷始末有  
旨樊王家着削奪仍行撫按提問追贓陳保泰都察院議  
處

應天巡撫毛一鷺題境內奉差官吳昌期丁憂奉旨吳  
昌期與吳懷賢私書往復譏訕朝政着削職為民追奪誥  
命其吳懷賢家屬着速與歸結

吳懷賢之父吳養春與吳孔嘉之父某為同族兄弟某  
素為養春管帳養春死懷賢與某結算經手帳目有長  
沙販鹽本銀六萬兩未開入帳懷賢窮詰之某執稱無  
有懷賢怒即將案上硯擊之中腦死孔嘉同母潛逃他  
處懷賢必欲殺之以絕後患賴大俠某力庇得免既而  
孔嘉舉于鄉而懷賢有愛妾六娘者另居白鶴園伊僕  
吳天雲戲之懷賢怒囚于家將之天雲納厚賄于懷賢  
之妻力為申解乃釋之天雲即走京師投拜逆賢名下

稱義免授錦衣官乙丑孔嘉會試中式天雲代為營求  
得置鼎甲臚傳後天雲始往見孔嘉叙述前事且曰公  
欲報此冤乎大仇不報非孝也孔嘉曰孤豈敢一日忘  
之但懷賢才勢通天恐不能勝反為此螫奈何天雲曰  
事極易耳即日公等當進謁魏公魏公問及家世公止  
涕泣稱不敢言予當代助一臂次日孔嘉同余煌華琪  
芳謁見逆賢逆賢以次問及孔嘉一如所誠天雲從旁  
代陳其冤并及懷賢諸不法狀逆賢曰可速具呈來我  
當為汝雪此冤次日呈入而懷賢逮矣并及同邑程夢  
唐先後逮下詔獄拷死家產籍沒兩家各以數十萬計

中書許志吉工部主事呂下問即營此差以往懷賢妻  
叩畢懋康問計懋康不出一語惟有歎息懷賢妻歸即  
自縊程夢唐妻一夜將遺禁房樓器皿盡行毀變人咸  
多兩婦之智

給事中李魯生疏叅徽州知府石萬程保定知府祝萬齡  
畧曰先是長安閩傅石萬程削髮披緇而去臣未之信越  
十餘日而病疏至似憤似激如焦如焚若以官為桎梏不  
肯一朝居者至讀撫臣看語則知其為黃山一事也乃祝  
萬齡至以天變地震物怪人妖為拆毀書院所致非聖誣  
天莫此為甚二臣事雖不同其于抗朝權撓國是搖人心

則一也有旨石萬程削職為民永不叙用祝萬齡冠帶  
閑住

呂下問許志吉至徽誅求吳懷賢家屬將伊妾與媳及  
僕御軍備諸慘毒徽人咸憤憤不平又將黃山派賣諸  
富戶嚴刑拷逼遂激民變萬程掛冠長往萬齡素為王  
紹徽所惡故魯生糾萬程而并及之  
提督操江范濟世疏叅巡江御史張繼孟奉旨張繼孟  
已着部院追贓堂上官能簡發具見察屬嚴明疏內事情  
一併究問

繼孟先為許志吉所叅濟世恐以異同得罪故亟出此疏  
吏部題會推登萊巡撫奉旨孫杰馮三元李春燁俱留  
着京卿用李嵩陞右僉都御史巡撫登萊

順天巡撫申用懋題保永平兵備藥濟衆奉旨藥濟衆  
營謀鑽刺以得今官申用懋保留不當

申在任凡崔呈秀有所屬托皆拒不應故題疏皆奉  
嚴旨後竟以內旨罷官繼申者為吳中偉已領  
敕矣忽特旨陞閩鳴泰為順天巡撫即日赴任吳中  
偉改別衙門用後補大理寺卿

吏部題工部員外劉鱗長降補潮州推官奉旨劉鱗長  
奉旨欽降曾幾何時遽行補官顯屬鑽刺着削籍為民

奪誥命  
直隸巡按賈毓祥疏薦舉地方人材事奉旨汪應蛟年  
已衰邁如何又登薦牘所舉不當

南京太監劉文耀疏叅知府顏容暄奉旨未解鹽銀一  
百三十萬兩作速催解有操臣胡東漸自行差官起運之  
說顏容暄顯是抗諭阻撓着削籍為民當差  
給事中陳維新疏叅王允成竄身邪黨以南道突改北道  
傾陷堂官宜追贖以快人心因薦張我績奉旨王允成  
着撫按提問追贖張我績俟相應員缺起用

我績蓄妾百餘內有逆賢族女素以醜惡見憎至是尊  
重之駕於嫡上妾乘傳而北厚賄魏良鄉轉致逆賢言  
我績歸命狀攜三萬金為餽逆賢喜令助工五兩為起  
用地維新知之亟薦之

山西巡撫柯景巡按安伸問明張慎言遣戍回奏奉旨  
張慎言黨邪害正鑽差避差罪難枚舉今以監守自盜永  
戍姑依擬其周宗建贖私該撫按久不回奏聽其逍遙無  
忌成何法紀繆昌期已經削奪仍繡服黃蓋開館招賓更  
見縱肆即着錦衣衛差的當官旗將周宗建繆昌期扭解  
來京究問

天啟初年貴州巡按缺叙應屬安伸都察院具題伸怒



叅經歷何宗謂其庇張慎言而以貴差陷已有旨以  
規避降調逆賢用事以曾欽程薦起原官出按山西即  
首結其獄擬慎言永戍竟刺其臂逆賢初用事時  
尚名進忠周公因盛憂冰雹論內臣為害訟言攻之又  
屢疏攻去郭筆因激怒逆賢故及于禍繆公則以應  
山代草之謗為逆賢所最恨又以爭挺擊事為劉廷元  
所恨又以微辭詆諧為王紹徽所恨就逮過毘陵驛舍  
緹騎抹首鞞袴孳孳植立繆與客話時宰諂附高邑狀  
俯躬起立低聲折支曲盡情態緹騎為謹笑失聲詔獄  
死狀秘外人不得而知四月二十九日橐籥中傳出寸  
紙自是而絕五月二日獄吏以死狀上應山五公之卒  
也願公在獄中故詳繆公竟莫知何日也其殮也十指  
墮落棒搨置兩袖中逆以代草之類屬許顯純加梏拳  
焉其他楚毒備至又可知已

蘓杭織造太監李實疏叅原任巡撫周起元擅減原題袍  
段數目傾陷朱童蒙專以道學相尚邪黨附和逢迎者則  
有周宗建繆昌期周順昌高攀龍李應昇黃尊素與起元  
臭味共阻袍運奉旨周起元指減袍價托名道學引類  
呼朋周宗建繆昌期周順昌高攀龍李應昇黃尊素俱是  
東林邪黨除已逮解外其周起元等五人着錦衣衛差的

當官旗扭解來京究問  
諸公先後逮至俱下鎮撫許顯純坐贓追比拷掠慘酷  
卒後數日始有旨領埋肌膚毀爛不可識別矣李  
實與王安同為光宗伴讀非逆賢黨其差織造也係  
王安掌印時所題至是逆賢欲尋事除之實司房孫昇  
在京知其事大懼求解于李永貞永貞代草此疏孫昇  
出實空頭上之

周公順昌吳縣人癸丑進士筮仕福州推官時稅監高  
案勢凌郡邑晉謁者手板廷參如屬吏公抵任獨不往  
案恨甚其帳下某以他事撫軍委公往補同官皆難之

太守某約與同見辭其事公諾之矣既思一衙役不能  
擒何顏復稱司理遂謝太守獨往執其人以解撫案大  
怒趨入轅門與撫聞監司李思誠呂純如為和解之案  
執兩監司歸署既而縱李留呂須周推官至乃釋撫以  
謂公不可案卒莫可誰何公以是得強項聲俸滿行  
取留授禮部寒素如貧儒不特干謁屏跡即交際亦峻  
拒不納至地方利病又必明目張胆上說下教必見之  
施行然後已吳中士民無不愛戴之江南司官缺選郎  
陸卿榮採輿望以公薦公既入吏部飲冰茹檠較前加  
勵壬戌署選預叙諸應選人以次換授吏無能上下其

手蓋百餘年所希見也給諫趙時用揭中有微語相及  
即決意乞假出都之日真八百孤寒齊下淚矣歸里之  
後操守更峻申說利病更勇士民愛戴亦更切嘉善被  
逮過吳門公與周旋者累日復以季女字其孫口斥逆  
賢不稍避忌緹緹騎歸盡以入告又以他事醜詆新撫  
毛一鷺及呂純如兩人比而媒孽其短漕儲道朱國盛  
復左右之于是李實之疏列公名吳公家固極貧無擔  
石儲而緹騎勒索千金士民皆願捐貲以助至有不言  
姓名投金而去者貧士貸脩脯不足解敝衣質庫中得  
少直即以為贈緹騎聞之益欲饜其橐遲三日始開讀  
是日大雨傾城士民皆執香以送煙漲蔽天號冤之聲  
響徹數十里公改囚服同吳縣知縣陳文瑞先至時署  
門未啟署逼逼城闈署左右衆擠塞不能容咸登城環  
立焚香雨中如列炬城上人呼則城下人應之城下人  
呼則城上人應之聲愈震公亦出不意再拜請解散衆  
弗為動時師儒耆老咸會有昌言欲走闕下上書為公  
訟寃者頃之兵備副使張孝知府寇慎心知公寃皆相  
顧作慘然色又頃之巡按御史徐吉至前驅呵殿如平  
日御史見景色頗戒無群人未幾巡撫都御史毛一鷺  
至即令啟門士民蜂擁先入時雨少止地泥濘沒膝衆

皆不顧既入仰視堂上設幃幕二錦衣列侍餘緹騎皆  
皂衣鵠立最下則置扭鐐刑具為被逮者蒲伏之所士  
民益不勝悲憤三呼竒冤皆迭應先中翰時為太學生  
迎毛撫告之曰今日民情士心如此明公獨不為青史  
計思所以自愛乎毛撫輦感而語曰固嘗思之今且奈  
何先中翰曰為今之計惟有請緩開讀明公據實  
上聞謂士民所以迫切號呼者非有他意欲邀曠蕩之恩  
以吏部下撫按行勘如干請有據而後令就逮即死且  
不恨毛撫強作款曲語曰為吏部上疏固當但諸生特  
未審耳以聖怒如此即上疏能保其有濟乎先中翰  
曰固也若果聖怒則何辭之有今者實出魏忠賢矯  
旨殺天下賢士大夫以快其私怨夫忠賢流毒不止一方  
受禍不止一人特吏部為諸生素所服實見其止以口  
舌賈禍故不避斧鑕為之請命今日疏上明公稍為愷  
切其言幸而得請則吏部再生之日即明公不朽之年  
即不得請而直道猶存人心不死明公獨不可留此一  
段公議以遂折奸人之胆令稍知所顧忌乎毛撫無以  
應御史從旁曰諸生無譁當商所以善後者毛撫曰若  
然且開讀先中翰曰明公之言直相給耳開讀之後惟  
有一去則惟有一死何且為時緹騎以目相視耳語

謂此生何為者而訝毛撫不以法繩諸生先中翰乃語  
毛撫曰諸生今日業以身殉矣明公弃一官諸生弃一  
身事將有不可知者明公不聞往事耶當汪直橫時遣  
內臣王敬乘傳至吳令諸生鈔錄方伎書諸生不應敬  
令有司逮至驛欲辱之諸生持梃邀而擊諸途敬走匿  
僅以身免王怒時巡撫江南疏奏歸曲于敬：正法諸  
生獲免今此曾縱虎而翼將衆怒如水火何恃而不恐  
毛撫曰即欲上疏當俟入臺具草先中翰曰明公一入  
臺猶得令諸生望見顏色耶必此地拜疏而後可御史  
乃頷毛撫慨然曰龍逢比干亦人耳今日吾兩人當勉  
為之而兵使者從旁慙息亦甚力業有緒矣時先中翰  
與兩臺語相往復衆環聽如堵牆兩臺直立泥塗中不  
復具威儀日已傍午緹騎見議久不決手銀鐙擲地有  
聲琅然大呼囚安在且以巨梃擊諸人衆心憤極即奪  
巨梃返繫緹騎瞬息之間勢如山崩潮湧砉然而登攀  
折欄楯肆行奮擊雖黃童白叟皆攘臂爭先撫按兵使  
郡邑不復相顧俱披靡以出緹騎斃者二人餘皆四散  
逃竄而緹騎之至浙逮黃公者舟過城下挾勢需索如  
故強買店家酒脯市中人亦執而擊之且周呼于城上  
曰緹騎復至矣衆復乘勢走胥閔焚其舟投其索於河

緹騎皆涸水過西岍西岍人復逐之浮沉數里外至僻  
處始敢登而所賣駕帖遂失不知所在時衆怒如城當  
事乃匿公別署揚言候旨始發而俄以一夕調兵水  
陸振旅護公乘小舟渡閔泊曠野間乃敢開讀從州莽  
畢事時逆賢所遣偵事人在吳者踉蹌星馳以江南反  
盡殺諸緹騎告次至者以劫周某監旗城門：晝閉告  
又次至者以殺都御史絕運道而劫糧艘告逆賢聞則  
大恐以咎崔呈秀跪而數之曰若語我盡逮五人而今  
且激變奈何呈秀惶怖叩頭請死逆賢叱之出李實在  
杭聞變亦閉門哭目盡腫比毛撫疏至崑山病悸不能

出貴池當代擬逆賢至閣強為厲色語曰上怒甚必  
欲盡誅為亂者貴池曰公誤矣京師仰東南漕粟以百  
萬計今運期在邇地方有事正當示以寬大而復以  
嚴旨激之果有他故誰任其咎逆賢不應而入涿州意  
獨不然當稟擬時從貴池手攘去握筆欲書而意緒忽  
茫然不能措一字逆賢促之迫貴池擬旨以進有本  
日解散姑不深究之句迨毛撫再疏三疏至會貴池以  
病卒崑山出視事於是復有漏網渠魁等句邵輔忠貽  
書毛撫急以文某姚某入告少宰虛席以待蓋指先相  
國與姚公希孟也毛撫弗應止擒顏佩常楊念如周文

元馬傑沈揚五人具獄斬之五人當訊無一語自辯第  
曰以周吏部之賢而受禍若此我儕小人當為之死又  
何言皆談笑受刑公既下詔獄逆賢與其黨密謀宮  
中意更欲有所羅織時地忽震動當坐處鷓鴣無故自  
墜所幸二小奄皆擊死俄頃有聲如轟雷從西北起振  
撼天地黑雲乘之簸蕩壞民居室數里無存巨石從空  
飛注如雨男女死者以數萬計驢馬雞犬皆盡斷臂折  
足破額扶鼻者枕籍街衢咸滿又王恭廠舊藏火藥發  
驚象狂走民人遭踐踏死者無算逆賢輩因是頗有  
戒心緹騎亦相戒不敢南指即黃公駕帖已失第行撫

按起解不復差官旂矣高公叅崔呈秀疏實李公起  
草呈秀日往高門長跽被哀適李從內出秀博顙求援  
李弗為禮秀恨李與高等故亦不免緹騎未至前一  
日高公預知之與客談笑自若次早家人覓公不得案  
上留遺表一通書云臣雖削籍舊屬大臣大臣不可辱  
中辱大臣則辱國謹北面稽首効屈平之遺則君恩未  
報願結束生未云望使者持此以復皇上乃急踪跡  
得之池中則已逝矣水僅濡下體屹立不動蓋公學問  
以敬為主真誠無妄已臻極詣故去來之際解脫無礙  
先後被逮諸公雖皆以忠烈流芳而公猶不可及也

公已自裁官旂至常州不信欲載尸審驗并欲逮其子  
回奏無錫知縣吳太樸依阿其間知府魯櫻堅持不可  
適有蘓州之變遂已

御史倪文煥疏叅金世俊有旨金世俊為左光斗魏大  
中私人賣官賍私有人着削職為民仍行撫按提問追賍  
以助大工奏一御史劉徽疏論熊廷弼侵帑不下百萬劉弘光受賄亦有  
待郎徐大化疏陳八款內一款叅張雲翼鳩集眾商為李  
三才造生祠亟宜拆毀西御史劉徽疏論熊廷弼侵帑不下百萬劉弘光受賄亦有  
御史劉徽疏論熊廷弼侵帑不下百萬劉弘光受賄亦有  
萬餘毛士龍盜庫納賄有據房可壯樊尚不侵庫賍私宜  
徹底查追奉旨熊廷弼撫按嚴提家屬追賍劉弘光撫  
按嚴提追賍毛士龍法司提問追賍房可壯樊尚不侵庫賍私宜  
監御史徹底清查追賍樊尚不侵庫賍私宜  
命

毛時已戌甘州以一婢自隨及奉此旨毛預知遠遁  
其婢反以地方官戕殺為辭被髮稱冤地方官無如之  
何僅以廣捕行緝立案烈皇登極始自投刑部  
兵部尚書王永光因王恭廠之變疏陳時事語頗剴切內  
一款請暫停大工興作奉有嚴旨遂引疾回籍  
御史田景新疏言大工必不可停并叅永光有旨嘉納



兵部郎中吳<sup>浮</sup>夫疏奏馮銓

薊州始因奄許秉彝轉引石元輔以進交送賢後送賢  
出督殿工薊州迎坐輒屏人密語涿州既得志遂與薊  
州爭寵薊州潛向送賢譖之時涿州與霍維華楊維垣  
等偽造要典薊州摘內數語指為暗刺于是送賢舊好  
頓變涿州始不能安其位矣  
御史陳朝輔疏奏馮銓并及趙興邦曾欽程入幕狀有  
旨責其附和朝輔再疏糾銓臚列納賄多款有旨馮銓  
着冠帶閑住趙興邦請告亦奉旨閑住曾欽程先以  
潘士聞疏奏削奪

御史袁鯨疏奏王紹徽比匪喬應甲推轂秦撫苛貪異職  
駭人聽聞有旨王紹徽賍私狼藉着冠帶閑住

壬戌春真定巡撫缺紹徽乞憐于選郎語甚卑鄙選郎  
拒之而推張鳳翔送賢用事紹徽一年中超擢冢宰恨  
同鄉之不推轂也特用應甲撫秦尋事欲盡殺同鄉以  
快私憾應甲貪婪無耻物議大沸應甲罷斥紹徽亦以  
此敗

御史龔萃肅疏請枚卜并請內外兼用有旨下部議  
李魯生李蕃先歸南樂之門後入涿州之幕後見涿州  
寵衰則又與薊州比焉孫杰吳淳夫霍維華等欲推轂

薊州入相盧承欽李燦然王業浩劉徽等合謀攻去涿  
州今淳夫先發陳朝輔繼之涿州既去復以王紹徽在  
位無繇登枚卜啟事于是袁鯨疏攻去紹徽又虞朝論  
以外廷枚卜為疑萃肅特出此疏以堅之紹徽廉得其  
狀遂于辯疏中發其謀曰有所推轂則必有所摧折者  
正指此也鯨復疏辯謂紹徽身負穢跡臣自叅紹徽耳  
不知其他鯨既抗疏自明業浩閉門不出而薊州枚卜  
之議亦寢自是魯生等遂與孫霍分途矣

刑部尚書徐兆魁奏辯厥疏脩陳李柱明李承恩用賄求  
劉鐸方震儒居間懇御史溫國奇求寬已實不知而司官  
不淨致衙役史大仁等羣搶李承恩之家皆率屬不嚴之  
過宜提各役正罪奉旨徐兆魁縱容司官吏書受賄賣  
法全不知愧而強辭飾辯溫國奇執法臺臣反為重犯求  
寬都着閑住劉鐸犯罪得釋今又代人居間行賄明設騙  
局着提了問方震儒追賍未完復增一案罪上加罪其受  
賄司官俟鎮撫司問明具奏處分  
鎮撫司具招回奏有旨司官翟師偃馮士渠李陞問枉  
法受賍本當杖處姑削籍為民追奪誥命劉鐸方震儒居  
間過付加罪有法不得徇私  
刑部尚書薛貞題覆前事有旨方震儒加絞罪一等斬

着監候劉鐸等着即會官處決司官高默等不遵堂批徇情賣法俱着降三級調外任用

劉鐸向與魏良卿善故詩扇一事得無恙良卿偶密扣鐸曰當日官旂公費幾何鐸曰三千金耳良卿戒旂較還之遂為旂較所銜邏其在獄居間事東廠疏叅之復行逮問會其妾前以鐸得釋醮謝神祇家人有怨鐸者既咀首西司房張體乾具疏以聞事下刑部時尚書薛貞新任以司官輕擬駁之遂擬震儒斬劉鐸咀重臣決不待時于是劉鐸與曾雲龍彭文炳劉福等即日駢斬西市方景陽已死仍戮尸以殉李承恩者某公主子也不知以何事得罪送賢令李家人首其遺禁事捕承恩至東廠痛杖之以其宅為公署時奄涂文輔總督戶工二部錢糧遂居之署額曰戶工總部公署而公主家廟竟遷置他處不顧後王體乾熟審特重笞承恩五十以博送賢一笑焉高默同事湯本沛亦吳縣人也為平陽知縣三月以貪酷致激民變考察降五級餽四百金于顧秉謙補上林典簿拜倪文煥門下引見崔呈秀所以剽刃同鄉者不遺餘力周忠介之禍頗肆下石一日呈秀欲引本沛見送賢先相國輩必無幸矣忽中風嘴歪不果見隨以劉鐸案降調後方公懇寬疏

有云刑部改為一日一比者主事湯本沛也崇禎己巳  
京察遂處酷為民

河南巡按楊維垣題追繳李若星  
星誥命已經追徵其霍鎮芳俞思明等并着一體追奪

若星行撫按提問追贓維垣叅語云偽士虛聲鄙夫患  
得乘趙南星之納賄結汪文言以交通方爾苞苴儼然  
填撫遣成允宜霍鎮芳俞思明張應輅薛永寧各贖徒

杖

刑部覆前事有旨李若星着撫按官責一百板發遣

撫按

郭增光鮑奇  
漢奉行惟謹

鎮撫司題緝訪事奉旨鄭崇光徐石麒賍私狼籍都着

削職為民追奪誥命其韓三原供奸輔韓爌受過賍銀二  
千六百兩既行撫按追解必要勒限速完

韓三之獄楊維垣欲構成賄案牽陷蒲州崔呈秀等復

從中主之王體乾李永貞等先宣言世廟時有夏文

愍故事送賢已有成心幸韓三至死不肯妄招許顯純

亦不敢代砌捏奏也楊維垣為座師徐紹吉爭戶部侍

郎缺觸南樂之怒曾向送賢諧之故終送賢之世効力

甚至而官不顯

巡閱御史梁夢環疏遵旨面話事奉旨梁夢環姑免

究熊廷弼雖正典刑家資巨富其取發閩外軍前銀十七萬二千兩並無開銷着彼處撫按嚴提家屬追贓變產勒限解部以助大工如徇情隱漏責有所歸

江夏知縣王爾玉將廷弼子兆珪嚴行追比又貪婪需索無厭致兆珪自刎于獄漳浦知縣楚煙奉守道胡爾愷意指追比肆毒于周起元子彥陞而梅之煥一案則黃州推官王萬全為政萬金者王洽門人也洽馳書囑其護持萬金鍛鍊周內不遺餘力幾發洽書以求媚云順天府丞劉志選疏叅皇親都督張國紀罪狀罄竹難書內訾丹山之穴藍田之種指斥中宮末云肘腋重臣殫

忠弼亮協贊中興今聞有伏莽之奸藏頭露尾投間抵隙思為一網打盡之計伏望天語叮嚀緝事衙門嚴拏究

治云

諭內閣朕昔在青宮聞皇祖年間有逆犯皦生光捏造妖

書謀危社稷離間皇祖誣害大臣朕深為痛恨切齒自

朕冲齡踐祚之際值東林邪黨盈朝或陷朕孝德不先或棄祖宗封疆不顧幸荷上天默佑室室呈祥牖朕憬然羣奸敗露其元惡大憝雖復芟除而脇從宵壬不無漏網前已屢特諭開曉再三欲令易面革心咸與更始不謂法紀凌替之後人心迷惘已深乃尚有等未盡奸徒怙惡

不悛密弄線索或巧布流言蜚語或捏寫匿名文書害正  
黨邪熒惑視聽卿等可傳示殿衛都察院五城巡捕緝事  
衙門廣布軍番嚴加體訪如有前項奸逆仍蹈前愆確有  
的據即先將正身拏住具奏細之研審必要窮究到底根  
鞫造謀主使之人明正典刑以息邪說昭朕一代平明之  
治

御史梁夢環疏參張國紀內引劉志選丹山之穴藍田之  
種等語以傾中宮有旨張國紀着革去祿爵回原籍  
省愆

左都督張國紀中宮懿安皇后父也 后性鯁直數  
與于上前以顛倒舊章為言蓋暗指客魏也客魏恨之  
時有匿名榜揭于厚載門屏列逆賢反狀并斥逆賢佐  
命七十餘人逆賢怒疑出國紀及被逐諸人手邵輔忠  
孫杰等欲因此具大獄盡殺林下門戶諸人而借國紀  
以動搖中宮事成則立魏良卿女為后劉志選偵知  
之首上疏參國紀夢環繼之禍且叵測閣臣誓死力救  
得免 后為舊秉筆劉克敬所送逆賢遷怒克敬并其  
暗照管老奄馬鑑俱降發鳳陽縊殺之既殮復蘓衆人俱  
聞棺中急迫有聲而畏逆賢虛焰遂俱埋之 烈皇登  
極始聽歸改葬焉

吏部題會推事奉旨倫肇修陞大理寺卿陳胤叢久係  
門戶着削籍為民追奪誥命  
都察院題請差巡青事奉旨着吳尚默去劉重慶係楊  
連邪黨着冠帶閑住  
吏部題缺官事奉旨汪康謠久係邪黨着削籍為民追  
奪誥命  
吏部題會推事奉旨李孫宸陞南京禮部右侍郎曾楚  
卿係張鵬門生久依門戶着削籍為民追奪誥命  
吏部題推陞事奉旨李徵儀首荐夏嘉遇隨時依附殊  
無特操着削籍為民吏部除名永不叙用仍追奪誥命

吏部題缺官事奉旨蔣英久係門戶着削籍為民  
南京兵科題巡視營務事奉旨楊棟朝久係門戶着削  
籍為民追奪誥命營務着徐憲卿巡視  
吏部題會推事奉旨王志道起陞右通政王佐久係門  
戶着削籍為民追奪誥命  
吏部題推陞年例事奉旨顧其仁吳姓周邦基謝奇舉  
梁元柱張其實俱係門戶着削籍為民追奪誥命王琨陞  
河南右叅議  
吏部題優陞科道事奉旨李懋芳許譽卿久依門戶白  
儲詔負氣偏執俱着冠帶閑住張捷姚應嘉曾附黨人着

削籍為民追奪誥命

禮部題雲貴考官奉

旨有黜的去汪邦柱宋鳴梧俱係

門戶且着冠帶閑住李日儼李昌齡林魯馬茂才有黜

吏部題改差蘓松提學奉旨陸世科久依門戶着冠帶

閑住

吏部題文選郎中奉旨蘓繼歐係楊連私黨着削籍為

民追奪誥命

後點用周良材

吏部題前事奉旨龍世法久附黨人着削籍為民追奪

誥命

吏部題會推湖廣巡撫奉旨姚宗文陞右僉都御史巡

撫湖廣彭鯤化係東林邪黨着削籍為民追奪誥命

吏部題覃恩事奉

旨本內劉永祚久依門戶着削籍為

民

御史智鉅題糾儀事奉

旨吳伯與歸班不辨東西才具

可知姑着冠帶閑住

吏部題會推南京戶部尚書奉

旨張樸陞南京戶部尚

書倪思蕙着冠帶閑住

吏部題文選員外奉旨晏清久倚門戶着削籍為民追

奪誥命

吏部題會推浙江巡撫奉旨張延登起右副都御史巡



撫浙江錢策杜詩汪起鳳岐雜不正都着冠帶閑住  
吏部題會推僉院奉 旨李夔龍陞左僉都御史協理院

事倫肇修久倚門戶着削籍為民追奪誥命

吏部題覆留冲邊道臣奉 旨張宗衡着加銜留任用張

大猷年力衰邁着冠帶閑住

吏部題文選缺員外奉 旨沈景初久係門戶着削籍為

民

吏部題湖廣司官奉

旨江始亨久依門戶着冠帶閑住  
李師沆點用

凡崔呈秀等所遮黨人姓名奄徐文輔頗能記憶時師

沆為文輔父母官遂亟查汪始亨亦送賢云係同志錄

有名乃屢始亨而點師沆一日欲屢錢受益黃願素

益誤認為錢謙益黃尊素昆弟也後查係無涉乃止

吏部題作養人材事奉 旨楊汝成閔仲儼馬之驥俱係

門戶着削了籍為民餘俱依擬

吏部題改授科道奉 旨李覺斯授禮科給事中劉垂寶

係門戶着削了籍為民

吏部題推陞事奉 旨張雲鶚係熊廷弼親戚着削了籍

為民追奪誥命

原任御史康丕揚疏奏辯徃日妖書楚獄根因及已被陷

始末奉旨康丕揚向為沈一貫鷹犬邪媚貪酷數掛彈  
章已經察處今又借端具疏希圖起用着九卿科道會議  
參看的確具奏

吏部等衙門題覆有旨着照風憲官犯贓事例發邊衛  
充軍

丕揚巡視中城時送賢尚未聞與人結訟為丕揚責治  
故及丕揚等五人素與東林相迕而又不蒙送賢收

錄者

吏部題降調事奉旨聶心湯貪穢著聞與韓浚爭受事

極可醜察處浮躁未盡其辜着削籍為民追奪誥命

吏部題起用事奉旨劉國縉曾糜費帑金被人參論不

准起用

吏部題覆李應魁辯疏奉旨李應魁前為巡城御史頗

以賄聞着冠帶閑住

刑部主事彭參疏辯向為東林陷害有旨彭參原係左

光斗私人見其事敗反借題釋恨并陳鏡徐日升都着革

了職為民

兵部主事詹以晉疏內言變賣靈鷲古剎可得銀數百兩

以助大工奉旨靈鷲古剎雖廢可修所存田如何說變

價助工分明是垂涎賤價侵奪寺業而以助工藉口詹以

晉着削籍為民追奪誥命仍着自行修理寺宇其田因造  
橋估變佃為民業的責令贖還本寺以為錙銖言利之戒  
寺田還日該地方官申報撫按具奏

文殊菴僧秋月于送賢有大恩送賢主尊禮之至是靈  
鷲僧投誠秋月求為援手故有此旨以晉李三楚  
李瓚皆借條陳求媚送賢而反見斥者  
鴻臚寺序班李三楚疏條陳遼事奉旨兵事關封疆大  
計自有部科督撫鎮道諸臣籌畫李三楚何得越俎輕談  
以亂聽聞着削籍為民

兵部題覆李瓚條陳東事疏奉旨關外主客兵多馬匹  
不敷着太僕寺撥寄養馬三千匹即便差官解發前去應  
用李瓚出位多事且係趙南星左光斗袁化中魏大中邪

黨着削籍為民追奪誥命

給事中潘士聞疏叅曾欽程奉旨曾欽程不簡敗羣大

玷官箴着削籍為民追奪誥命

欽程既以躍冶得寵于送賢遂猖狂恣肆招搖道路賢  
聞而惡之士聞知其可乘也遂訟言罪狀立奉嚴旨

曾欽程以下十三人皆力為送賢操戈而終見逐者

御史石三畏疏條陳遼事因薦羅尚忠余大成資俸當陞  
難乎其繼宜加銜久任有旨削奪

三畏已陞王官以李恒茂薦得考選為御史糾劾劉弘  
化吳炯王圖張廷拱等上元節赴戚畹某飲魏良卿與  
馬席將散三畏命優人找劉瑾一劇送賢聞而怒故逐  
之

給事中玄默疏患病事奉 旨玄默既有病着冠帶閑住  
吏部題缺官事奉 旨葉大受簸弄是非排陷正人姑着  
削籍為民

給事中李恒茂疏回話事有 旨削奪

恒茂首為崔呈秀訟寃復官與李魯生李蕃稱三李既  
不而與呈秀相惡時錦州告捷恒茂疏陳遼事內云曹爾  
禎整兵于山東爾禎乃山西巡撫有 旨責令回話回

話疏上遂奉嚴 旨

御史李燦然疏叅徐紹吉吳殿邦鄭履祥奉 旨徐紹吉

患得熱中投身去輔營謀要地盡喪生平着冠帶閑住吳

殿邦居鄉多事橫叅公祖鄭履祥夙附權門驅除同輩俱

着削籍為民追奪誥命

內鄭履祥係誅求所及非徐紹吉吳殿邦比

大學士顧秉謙題補纂修實錄官奉 旨皇祖實錄萬

世信史所關成基命心術愴邪久依門戶着閑住林欲楫

等見任留都卿等再另推來看孟紹虞魯楚卿依擬陞用

又題日講官奉旨姜逢元呈身門戶久濫清華豈宜復  
列講筵着閑任還另推來看

又題較書正字等官奉旨鄭崇光受賄狼籍周大成眇  
陋不堪久依門戶俱着閑任汪汝祥汪澍皆惡黨汪文言  
宗族都着削籍為民追奪誥命

都察院題遵旨叅奏事奉旨劉大受身為憲臣恣意  
違限藐視國法王心一徇情結勦曲庇同門事屬欺罔都  
着削籍為民當差仍追奪誥命

吏部題考滿事奉旨史弼素傍門戶着削籍為民追奪

誥命

吏部題李白春陞稽勲司郎中奉旨李白春作令貪婪  
不得考選側身門戶求周宗建蔣允儀荐投趙南星門下  
厚賄鑽營陪推吏部及夏嘉遇熊斥白春遂傳衣鉢納賄  
招權醜聲載道着削籍為民追奪誥命

吏部題缺官事奉旨湯道衡曾經拏問朦朧起用已屬  
漏網何又推起着冠帶閑任員缺推

吏部題缺官事太常寺卿奉旨周之綱依附邪黨着閑  
住去這員缺另推

吏部題患病事奉旨李庭芳托病規避着冠帶閑任  
吏部題會推保定巡撫奉旨保定畿輔重地岳和聲寫

遠不便到任潘雲翼三朝要典內疏稱楊連去國忠臣扼腕豈是公論着冠帶閑住員缺另推後點用張鳳翼

吏部題例推科道奉旨侯恂杜三策徐應秋俱係門戶

着削籍為民追奪誥命劉之待與前會單不同顯是徇情

更換司官罰俸三個月以後務加詳慎堂上官亦宜用心

簡點不得任憑該司混推

徐應秋新推吏部司官非年例也陪推為沈景初點用

文選郎中周文煥疏給假省親事有旨周文煥更換作

弊又規避給假着冠帶閑住

時金沙周應秋為冢宰貪穢狼籍稱官索價每日勒足

萬金都門有周日萬之稱手復狠辣凡門戶中糾叅未

及者輒借推陞題補以供誅求遂致削奪無虛日南

京吏部郎中虞大復應秋婿也致書云挾泰山以超北

在壻固不敢厚望入寶山而空回想岳亦不能忘情也

盛為時所傳頌虞遂陞江西提學副使

吏部題缺官事奉旨趙紱陞通政使倪思輝久係門戶

着削籍為民追奪誥命

吏部題會推吏部右侍郎奉旨曹思誠陞吏部左侍郎

汪輝以原官回部管事錢龍錫久係門戶着削籍為民追

奪誥命

吏部題會推南京工部右侍郎奉 旨李逢節陞南京工部右侍郎徐如珂久係門戶着削奪為民追奪誥命

吏部題會推南京兵部右侍郎奉 旨毛一鷺陞南京兵部右侍郎朱欽相久係門戶着削籍為民追奪誥命

吏部題缺官事奉 旨章光岳陞南京太常寺少卿蔡猷臣久係門戶着冠帶閑住

吏部題瑞州知府羅重光告病奉 旨羅重光托病規避着削籍為民員缺即以同知周之相加銜陞補

吏部題缺官事奉 旨呂圖南陞右通政須之彥久係門戶着削籍為民追奪誥命

吏部題缺官事奉 旨楊紹震陞通政司右叅議韓國藩久係門戶着削籍為民追奪誥命

廣西巡按王政新疏舉劾方面事奉 旨曹學佺擅作野史搖惑人心已經削奪王政新舉薦不當着冠帶閑住

兵部題缺官事奉 旨徐本高久係門戶沈光裕素有惡名俱着削籍為民追奪誥命員缺另推

工部題酌叙殿工疏奉 旨張文郁葉憲祖俱陞太僕寺少卿照舊管事潘達黨附熊廷弼着削奪為民

吏部題缺官事奉 旨筮繼良係門戶邪黨着削籍為民追奪誥命

吏部題覆叙工疏奉 旨朕以殿工告成特遵彝典叙賚  
羣工乃工績之多寡人品之邪正朕鑒洞然范景文陞太  
常寺少卿提督四夷館郭興治陳王庭賈毓祥俱陞太僕  
寺少卿照舊管事周用賓彭汝楠王夢尹王業浩俱削籍  
為民追奪誥命

王業浩與袁鯨等推轂崔呈秀枚卜後懼事洩閉戶不  
出呈秀怒故借事逐之

陝西巡按王大年疏薦舉方面事奉 旨沈應時周汝弼  
久依門戶着削籍為民追奪誥命

吏部題缺官事奉 旨王則古曾經考察况係高攀龍趙  
南星死黨人屬漏網今復鑽謀遷調着削籍為民追奪誥  
命

吏部題缺官事奉 旨郭尚賓曾附黨人着削籍為民追  
奪誥命

吏部題缺官事奉 旨趙士煥素行有玷着冠帶閑住  
兵部題缺官事奉 旨劉大金准補錦衣衛貼刑千戶梁  
維冠久係趙南星邪黨着削籍為民追奪誥命

吏部題缺官事四川副使奉 旨劉有源為門戶摧折着  
以原官御史回道管事洪纖若有黠

有源後以病請復為奄逐 有源復原官而請告覘逐



呂鵬雲中旨京堂而乞差自遠與徐大化楊維垣諸人  
真不可同日而語

吏部題奉差事竣事奉旨韓于宣奉差違限日久况係

門戶着削籍為民追奪誥命

于宣蒲州公子也

吏部題會推江西巡撫奉旨真憲時為楊璉所薦置身

門戶着削籍為民追奪誥命楊邦憲陞右金都御史巡撫

江西

吏部題缺官事四川副使奉旨朱大典久依門戶着冠

帶閑任應朝王有點

吏部題缺官事太僕寺少卿奉旨張惟任素有才望年

力稍衰准加銜致仕彭維城久係門戶着削籍為民追奪

誥命

吏部題孫織錦降補薊州兵備金事奉旨孫織錦久為

門戶阻抑着照原銜副使補薊州兵備

吏部題缺官事奉旨涂喬遷久係門戶着削籍為民追

奪誥命王雅量年力垂邁着以原官致仕

吏部題缺官事奉旨徐天衢久係門戶着削籍為民追

奪誥命

都察院題請差巡按事奉旨馬鳴世置身邪黨着削籍

為民追奪誥命劉其忠亦係門戶且着冠帶閑任

七年二月吏部題推陞科臣事奉旨袁玉珮陞兵科右  
給事中杜齊芳久係門戶着削籍為民追奪誥命  
吏部題會推事奉旨孟紹虞見在講筵敷陳明凱方資  
啟沃不推南推蕭命官久係門戶着削籍為民追奪誥命  
東廠題緝訪事有旨李思誠于志舒俱着削籍為民王  
家棟丘志充俱着錦衣衛提問  
上林署丞王家棟素出入崔呈秀門下戶部主事于志  
舒托家棟納賄呈秀得調吏部河南右布政丘志充亦  
與家棟有交以三千金托致呈秀求陞太僕寺卿家棟  
昏夜携金投呈秀寓中途為廠後所獲呈秀窘甚而禮

部尚書李思誠寓與呈秀比隣遂駕言此乃賂思誠者  
東廠以聞并發志舒賄調事于是思誠志舒為民而家  
棟與志充俱逮下錦衣獄

吏部題會推事奉旨秩宗重任宜慎擇人駱從宇着冠  
帶閑住江輝久係門戶着削籍為民追奪誥命

後再推點用來宗道

刑部題捉獲私書等事奉旨謝啟光身為大臣職司風  
憲乃不自愛鼎為人青目輕發私書殊失大法小廉之義  
着冠帶閑住杜元伸陳應元俱着削籍為民吏部除名杜  
忠陳詒經等依擬

吏部題欽奉明旨事奉旨文某等除名追奪永不叙

用

去冬有顧同寅之獄不知以何事先相國與陳大司成  
仁錫俱廁名其內已有旨逮矣適有傳先相國削髮

披緇不知所往而小高陽為大司成手援甚力乃僅從

削奪金沙周應秋猶指先相國名語送賢曰此人是留不

得的是夏復將尋釁送賢先使兩騎至蘓偵探迨兩騎

復命而朝事已變矣

原任御史王會圖疏辯年例推轉因遠未能具疏乞照諸

臣仍後原官奉旨著補貴州道御史

山西巡撫曹爾禎巡按劉弘光題問擬程正已徒配具奏

奉旨程正已依擬發配着親身擺站該地方官不許徇

情朦朧代替

工部尚書徐大化疏遵旨回話事奉旨柴炭銀兩已

有旨不許那借徐大化巧立名色私意那移周鳳岐屯

司署印謬奉堂批葉憲祖擅發工料銀三十兩俱屬悖旨

都着冠帶閑住委官潘堯年着扭解來京究問

大化受銅商厚賄欲那借惜薪司內庫銀二十萬兩掌

司內奄程呈芬始其專利力詆于送賢怒故逐之

馮銓王紹徽李思誠徐兆魁徐大化謝啟光皆送賢私

人也而俱不免于逐究其見逐之故本末如此雖孝子  
慈孫能強名之曰忤瑞否

原任右叅政郭士望疏辯為楊漣陷害自請起用奉旨

郭士望為東林陷害今公論既明着與起用

蒙崔呈  
秀特荐

疏中醜詆應山曲諛送賢後補四川右叅政甫蒞任而

送賢敗矣

南京御史游鳳翔疏因變陳言事內云邪黨已化為異物

追贓妻孥不無可念臣子爵祿名位寵錫削奪惟君但情

有輕重法應差等一槩削奪似夫無分別有旨游鳳翔先

經考察方轉知府姑復原官今仍送臆市恩撫拾瑣屑着

仍舊做知府去

給事中黃承昊疏條陳督撫分任等事奉旨黃承昊向

係東林不自引退反條陳塞責着削籍為民追奪誥命

南京都察院題巡視京營有旨徐復陽居官賄聞着削

籍為民

南京御史梁克順疏條陳時事奉旨梁克順門戶邪黨

着削籍為民追奪誥命

御史劉之侍疏患病事奉旨劉之侍久依門戶着削籍

為民

吏部題蘓松提學奉旨田景新資應題差如何回辭意

欲他圖殊失憲體着冠帶閑任  
禮部題覆科場舊例疏奉 旨這各有正副考俱着點了  
的去內葉有聲及倚門戶着削籍為民追奪誥命銓務方  
殷郎中之人周良材不便着遣

時送賢用事每事變亂舊制知兩京鄉試俱用春坊為  
主考送賢抑左庶子孔貞運何吾驄等而特點陳其慶  
張士範主應天試徐時泰孫之辯主順天試俱從編簡  
超陞侍講真淑見也順天中崔呈秀子崔鐸應天中周  
應秋子周錄後俱以廷臣論劾褫革 崔鐸本房中書  
舍人林萃芳周錄本房江陰知縣岑之豹 是時主試

者無不極力獻諂浙江主考陳盟首題巍乎惟天為  
大惟堯則之孟子題文王以民力為臺為沼而民歡樂  
之謂其臺曰靈臺謂其沼曰靈沼蓋西湖送祠甫落成  
也應天擬題有擬此謂唯仁人為能愛人能惡人者張  
士範矯手頓足歎為妙絕從未曾有同考武進知縣岳  
凌霄抗眾對曰今日之事上固不可得罪于 朝廷下  
亦不可遺譏于清議這能惡人三个字也覺忒傷天地  
之和張面赤不能應陳其慶以冷語解之張次題仍出  
見而民莫不敬言而民莫不信行而民莫不悅是以聲  
名洋溢乎中國施及蠻貊湖廣主考李明睿題出為人

君止于仁為人臣止于敬五句錄叙備列諸奄姓名  
江西主考倪元璐孟子題出鴈乎不可尚已時方擬送  
賢于先聖建祠太學司業朱之後揭示通衢云上公之功  
在大禹之下孟子之上故倪公以此暗駁之三場策問有  
云強毅養外病攻其內今如士見標病不急亦已矣倘亦  
曰內食實甚則當有厲鍼從之者救焚追亡紆步豈貴乎  
又曰天下之變生于卒而計立于豫自命之士智畧輻輳  
其意乃欲仰射天狼而豕奔肘下顧愕貽反走此可歎也  
復引王文成脩宸濠等語曰學者牖戶之謀通于性命豈  
必驚湖所廢講哉使送賢不敗者倪岳二公禍叵測矣

倪公

烈皇帝時狗難岳河南獲嘉人乙丑進士以

忤本邑政府意左遷評事復大計削職

先撥志始卷之五

建祠封爵

上既委政送賢羣小遂用以報私怨逮繫遣逐無日蔑有借  
用未已于是有頌美崔呈秀倡之王珙余合中等和之猶  
未已也頌美不足以示擁戴于是有建祠之請浙江巡撫  
潘汝禎首倡此舉崑山元城粟音楊相應之響而生祠遂  
遍地矣計丙寅六月至丁卯八月共建祠四十所舉世若  
狂使天不悔禍丁戌之際事正未可知也其疏本不足存  
而友人顧有謂宜存以戒後世雖孝子慈孫百世不能改  
未必非懲創之一助也因備錄之

天啟六年六月浙江巡撫右僉都御史潘汝禎首疏請為  
東廠太監魏忠賢建祠畧曰東廠魏忠賢心勤體國念切  
恤民鑒此兩浙連歲災傷頓蠲茶果鋪墊等費舉百年相  
沿積弊一旦釐革不但機戶翻然更生凡屬茲土莫不逢  
歌巷舞欣相告戴德無窮允宜建祠致祝奉旨據奏  
魏忠賢心勤體國念切恤民憫兩浙連歲之災傷革百年  
相沿之鋪墊宜從衆請用建生祠着即于該地方營造以  
垂不朽祠名與做永恩

時內閣崑山顧秉謙元城黃立極

巡按御史劉之待疏同

祠成新任巡按御史徐吉疏叙昔造各官勤勞奉有俞

旨

司禮監掌印太監王體乾請賜魏忠賢客氏金印忠賢印  
篆文曰欽賜頌命元臣客氏印篆文曰欽賜奉聖夫人各  
重百餘兩

擒獲建州奸細武長春吏部尚書王紹徽戶部尚書李起  
元兵部尚書王永光二部尚書董可威等各疏頌魏忠賢  
功德蓋世請賜封世爵有旨晉封魏忠賢姪魏良卿為

肅寧伯

時送賢威權日盛羣臣獻媚爭奇于是倡為封拜之策  
武長春者東勝左衛人以騎射稱雄標銀南下必借重



護行沿途劫掠亦所不免羣臣合計令厥役密擒指為  
建州奸細敕旨褒美永光等疏頌厥臣功在宗社  
非世爵不足以酬大勳遂封良卿為肅寧伯賜鐵券世

襲

總督薊遼兵部尚書閻鳴泰順天巡撫右僉都御史劉詔  
各疏巡歷關外頌美魏忠賢功德吏部尚書周應秋戶部  
尚書郭允厚兵部尚書馮嘉會工部尚書薛鳳翔等各  
疏頌魏忠賢功德有旨魏良卿晉封為肅寧侯

皇極殿工成吏部尚書周應秋戶部尚書郭允厚兵部尚書  
馮嘉會工部尚書薛鳳翔等各疏頌魏忠賢功德有旨

魏良卿封為寧國公

叙寧遠守城功吏部尚書周應秋戶部尚書郭允厚工部  
尚書薛鳳翔部左侍郎霍維華等各疏頌魏忠賢功德  
有旨晉封魏忠賢姪魏良棟為東安侯

時清兵進攻寧遠兵備副使袁崇煥固守不下踰月圍  
解内外文武大吏咸歸功遂賢于是封良棟為東安侯  
年僅四歲袁崇煥陞右僉都御史巡撫寧錦

再叙寧遠功吏部尚書周應秋等疏頌魏忠賢功德有  
旨晉封魏忠賢姪孫魏鵬翼為安平伯

時頌功德者公疏則吏部等衙門尚書周應秋等翰林

院等衙門禮部右侍郎楊景辰等太常寺等衙門太常  
寺卿林宗載等給事中許可徵吳弘業段國璋等御史  
張素養汪若極安伸卓邁等英國公張惟賢等南京吏  
部尚書王在晉等南京給事中郭如閻等南京御史劉  
漢等單疏則寧錦巡撫袁崇煥山東巡撫李精白御史  
梁夢環倪文煥等揄揚鋪張懽呼舞蹈 旨亦應之如  
響而魏鵬翼復封伯年僅三歲大小九卿科道等官各  
加宮保尚書都御史太常太僕等衙門錦衣者千人  
時豐城侯李承祚請并封兩公梁夢環請併功封公崔  
呈秀致揭送賢欲進寧國為王見嗤于王朝用等而霍  
維華題覆魏良卿加九級至太師周應秋題請公侯伯  
誥命改武蔭為文蔭郭允厚題覆四十餘疏請送封庄  
田薛鳳翔請給送封第宅鐵券  
七年正月應天巡撫右金都御史毛一鷺疏請為廠臣建  
祠奉 旨據奏三吳災沴物力困于輸將廠臣慮周國計  
心軫民艱一應茶果鋪墊等費悉行蠲免機戶沾薄征之  
惠借用無賠累之煩該地方官擇勝建祠尸祝以報朕心  
嘉悅  
時內閣黃立極施鳳來張瑞圖李國楮  
總督薊遼兵部尚書閻鳴泰疏請為廠臣建祠奉 旨薊

永招買料豆歲荒價儉累商累民委為可憫疏內稱廠臣  
捐資撫軍壁壘倍為生色發粟助賑災黎頓覺甦生國倚  
節裁民歌寬恤建祠具見輿情踴躍朕甚嘉之

順天巡撫右金都御史劉詔巡按御史倪文煥疏同  
薊州祠成閣鳴泰疏題請額畧曰人心之依歸即天心之  
向順恭照廠臣魏忠賢安內攘外啟狡虜之胆于肺腑未  
露之先舉賢任能奠封疆之固于磐石金湯之永至如捐  
金捐俸而足食足兵恤軍恤民而備邊備虜非但于學識  
綱常之際乃獨萃其全而且于兵農禮樂之司實共濟其  
盛是治平之績著而覆載之量宏矣亟請祠名用志功德  
奉 旨中協喜峯為款夷要路邇來虜情不測制馭為難  
廠臣獨秉忠心默操勝算綢繆周于桑土壁壘壯乎金湯  
狡虜讐服軍民共戴這景忠山祠額名與做廣恩  
二月總督薊遼兵部尚書閣鳴泰疏准密雲兵備張維世  
呈看得廠臣魏忠賢體 皇上敬天勤民之心竭一己扶  
危定傾之力殫精擘畫未雨綢繆念無遠而不周神無凶  
而不照驅上駟以資戰士廐無留良罄家儲以賑災黎囊  
無餘積至于題差三協鎮守內臣靡不奉揚德意清兵查  
餉剔蠹登奸一時貪婪屏跡狐鼠潛踪回視曩昔頓覺別  
是一番世界廠臣翼贊之功真所謂勛施社稷績勅鼎彝

名與日月爭光功與天壤俱永者也建祠祝釐情曷能已  
奉旨據稱厥臣殫忠疆場畢慮綢繆輸貲佐糈士馬爭  
雄製器給軍貌貅生色至于葺城固堡清兵核餉題差三  
內鎮奉揚明威釐革奸弊功斯偉矣說得是着于密雲名  
山一體建祠名與做崇功以照美報

撫按劉詔梁夢環倪文煥疏同  
總督薊遠兵部尚書閻鳴泰疏據昌平兵備張福臻呈議  
照厥臣計安社稷慮切民膜徹土謀先九塞壯金湯之勢  
解衣惠普三軍動醪續之恩抑強暴以戢善良咸服刑威  
之不與靖郊圻而清輦轂盡欽播發之如神郵傳無騷即  
走卒皆起色權酷悉免舉行高舉樂坦途外謚內寧通懷  
遠格一時歡聲遍于兩地此皆臣在昌平道中目擊耳聞  
心傾意折相視歎服以為從古所未有者雖聖王之  
綸有赫懿德攸新使非厥臣奉揚而宣布之斟酌而調劑  
之何以能安然帖靜一至于此萬口之戴德既同兩地之  
建祠宜亟相應合詞上請奉旨厥臣計安社稷念切民  
艱体朝廷節愛之仁恤定黎賦役之若邊關戢其搶攘閭  
閻絕其追呼抑暴綏良內寧外謚朕所鑒悉這本說得是  
兩州戴德既同崇報自亟准各擇地建祠彰章盛以慰輿  
情昌平賜名崇仁通州賜名章德

撫按劉詔倪文煥梁夢環疏同

總督宣大兵部右侍郎張樸疏准宣府巡撫秦士文會稿  
兵備張宗衡張翼明會呈糧儲戶部郎中王珍手本開稱  
欽差內臣葛九思等三員及中軍太監田真等之賢皆繇  
廠臣以安社稷為悅以重封疆為心既已綢繆于山海又  
欲區畫于燕雲旬月以來所發帑金帑帑火炮器械絡繹  
不絕此皆制虜籌邊之壯志攘外安內之宏猷相應建祠  
致祝奉 旨覽奏廠臣魏忠賢悅安社稷注意封疆門限  
一重既固金湯于山海王基億載更塵鎖鑰于燕雲勳績  
倍高興情允協建祠致祝朕已俞允

宣府巡撫右金都御史秦士文宣大巡撫御史張素養疏同

祠成秦士文具疏請額奉 旨這本說廠臣未雨綢繆先

時戒備身任安攘之大慮周出隱之防以至內鎮之清忠  
總是元臣之指授說的是建祠告竣宜錫嘉名可與做隆

勳

張樸疏請守祠員後奉 旨覽奏廠臣貞心潔操忠猷石  
畫籌邊体國坐收安攘之勲剔弊除奸力贊平民之治種  
種功德未易殫述

宣鎮建祠祝釐已合輿論擇人奉祠更肅明裡准着張夢  
吉恪守祠宇敬共祀事以永崇慶

中書舍人郭希禹疏廠臣至德匡時真才命世合朝野欽  
承丰采將神明默佑壽康歌叶明良澤貽宗社我皇  
上俯順輿情于宣鎮萬全都司地方敕建隆勳祠日月之  
明增耀風雲之會非常從茲塞上范韓咸稟禁中頗牧臣  
際大典之輝煌實倍羣情之踴躍謹將自置田地二百畝  
敬捐以祝喬松之壽將芹藻之儀報聞

三月大同巡撫右僉都御史王點疏據大同知府李樹初  
呈為照廠臣魏忠賢功高社稷澤遍寰區立祠致祝已非  
一方為然矣今三雲將吏聞上谷有建祠之請互相鼓舞  
謹合辭上請奉旨三雲孤懸西塞城圮軍疲朕每加顧  
奏稱廠臣魏忠賢心純體國慮竭籌邊出內鎮清查以彈  
壓軫圉塞輓轡以整修屹立金湯飽騰士馬遂使岩疆鞏  
固有賴狡虜窺伺寢謀說的是建祠酌忠深慰朕意着如  
議行

點雖具疏建祠上樑之日閉門不出送賢聞而怒逐之  
總督張樸巡按張素養疏同旨覽奏廠臣彌竭精誠計  
祠成太監葛思元疏請額有旨覽奏廠臣彌竭精誠計  
安社稷豐功偉烈不可枚舉談鎮奉揚嘉謨稟受成算圖  
報之忱烏能已其祠名與做嘉猷用展祝釐以遂輿情  
總督張樸又疏請坊名畧曰督廠臣魏忠賢丹淵浴日靈

朕補天辨薰蕕以肅朝常罷煩苛以甦商困建累朝之宸  
極而疏綺流霞剪駢出之桐封而河山飛電至于嚴奸細  
而殺虜寒啟疆之胆遣各鎮而寧錦奏震世之功此其德  
耀乾坤勲在社稷已足炳于夷夏而波及宣雲其妙遠  
而總督者皆蕭韓方召之流其清餉而整軍者胥士飽馬  
騰之計昔之邊備以款首而闌跚今日之夷情以帷籌而  
孝順毛首之俘解鎖首之盟定矣卜色之貞且將駸來  
矣昔驕橫而今豈改頭換面耶則赫濯之聲靈也昔狡黠  
而今豈滌賜伐毛耶則運籌之方畧也宣雲之軍民愛之  
如父母敬之如神明而乳哺切于姑妣香火禋于奕世也

又烏容已耶至于臣分巡赤城道時屢據官民軍人呈詞  
頌工于上公者人合符大都謂上公威靈震于夷夏恩  
膏溢于軍民建祠以肅戎使之觀瞻羅拜以暢輿情之愛  
戴今前庭已構諸垣亦次第修理守備卒旒乾經歷孫國  
鏡實董其役共請坊名以垂久計乞將宣雲祠與赤城坊  
額賜一嘉名臣等幸甚奉 旨這奏稱厥臣丹能麗日功  
可補天豐績偉澤種 難罄迺猶簡能籌虜簡能鎮邊士  
飽馬騰軍商沾暨遂使岩塞增其敵愾悍首受我戎索朕  
所鑒知其宣鎮與赤城共請坊額以示華夷著與做一代  
崇功

新任巡撫右僉都御史張翼明巡按御史汪裕疏同  
督理三山工部郎中何宗聖疏照得 皇極殿工石料體  
質煩鉅運道修阻艱苦百倍厥臣蒿目時艱擇內監趙進  
料理為之督運以速其轉輸為加給以甦其苦累各役得  
以凋瘵餘生上完急料下全身家爰圖尸祝以申銜結相  
應代題奉 旨皇極殿工石料最煩去年運道艱阻百倍  
疇昔厥臣精誠謀國妙算參微委任得人山靈助順開採  
愜子來之願輓輸成不日之功石窩各役不累身家克全  
急料尸祝之舉允協輿情着于房山縣長溝地方擇吉建  
祠以隆美報祠名與做顯德

祠成何宗聖又疏房山知縣楊齊芳士民高寧等願捐俸  
銀一百兩捐產銀二百兩置買香火地附祠崇報是皆遠  
館之念等之緇衣銜環之意猶之黃鳥也允之  
順天巡撫劉詔疏恭遵化兵備副使耿如杞舉動乖張散  
餉扣剋及幼童狎飲褻越憲體有 旨削職為民紐解來  
京究問

耿如杞逮到下鎮撫司打問至贓六千三百兩追完日送  
刑部擬罪尚書薛貞擬斬有旨依擬

薊州生祠成迎送賢像至劉詔五拜三叩頭稱九千歲  
如杞見其像垂梳執圭惡之長楫不拜詔遂立疏糾參



四月山西巡撫右副都御史曹爾禎疏請為廠臣建祠奉  
旨據奏廠臣謀國心忠籌邊績偉區畫周而營壘改色釐剔  
遠而騰飽增雄其遣內鎮之清勤實出廠臣之勞悴說得  
是將士軍民請建祠五臺山輿情允孚着如議行祠名與  
做報功

總督侍郎張樸巡按御史劉弘光疏同  
寧錦巡撫右僉都御史袁崇煥疏畧曰廣寧之敗臣以迂  
戇書生洒血請纓丹衷幾點交掣相尤賴廠臣忠肝烈胆  
主意訐謨贊皇上之恢復而神器有賜貂蟒有賜遣內  
臣劉應坤陶文紀用于山海寧遠于是遠人始知皇上  
之不忍棄遠之官生軍民咸懷我好音願受漢索展轉  
間關千荼百戮昔去鄉井而流離今香火如故保有子孫  
若客兵聚東西南北之人戍人歸老望斷生還自廠臣決  
禦敵之策此輩于是遠于死亡且息肩有地糧餉以時故  
欲報廠臣猶之遠人也若臣之感則又甚臣不揣寡弱建  
此諾、難合之議然而必不可行則廠臣行之其成臣之  
名者廠臣也昔者寧遠之役使非廠臣定堅壁固守之計  
于先臣此時尚有身哉其生臣之身者又廠臣也即今成  
款之支持紛囂易起築舍為憂廠臣決策帷幄使臣仰受  
方畧畢力疆場以報皇上者又廠臣也即微遠人之請

臣當率先今遠之鎮道協官生民軍感慕如出一口在塞  
上已矢其共戴之心在朝廷豈靳其報功之典謹合辭以  
請乞敕賜祠額以垂千古奉 旨這本說厥臣心專籌虜  
力造危疆輸貲輸器萃此率土設險設備屹立金湯其茂  
功朕所悉知合謀建祠輿情允愜着如議行祠名與做元  
功

總督閻鳴泰巡閱御史梁夢環疏同  
寧遠之捷崇煥以賞薄缺望至是建祠矣靳賞如故乃  
引疾回籍

上林苑鄉官翰林院庶吉士李若琳等疏畧曰厥臣魏忠  
賢赤心事主殫慮匡時美政畢舉臣未暇縷指但就臣署  
言之本署頻年旱蝗飢民嘯聚去年流賊聚夥焚劫白晝  
橫行厥臣發內兵掃蕩渠魁全黨解散民獲安堵本署地  
穿民貧錢糧浩繁厥臣奏蠲免加派窮民咸獲更生本署  
素無墻堡環衛因致响馬蹂躪厥臣捐貲數千金蓋門築  
堡居民恃以無恐本署例無雜差向有奸民誣告商役闔  
署驚惶厥臣加意優恤永杜後患至捐冗品以省公費移  
捕官以時巡緝此皆為居民之至計臣等所以感恩更深  
也乞准建祠并賜額以志功德奉 旨這奏厥臣赤心為  
國竭慮安民即著有一署擒嘯聚築垣堡蠲煩役嚴巡緝

種之惠政保障畿甸朕所鑒知官民人等卜境建祠用昭  
美報如議行祠名與做感恩

五月國子監生員陸萬齡疏臣聞縱橫之世揚墨克塞聖  
道榛蕪子與氏起而闢之廓如也故萬世謂孟子之功不  
在禹下至今千秋廟貌比隆尼山我明列聖相繼聖道  
昭明不意顯皇帝中季東林<sup>年</sup>偽學自立旂幟欲釣高名  
忍捏浮詞污鱓君父誣先帝為不得令終陷皇上為  
不能善始罪惡滔天聖學墜地此真孔筆之所必誅而孟  
舌之所不赦者也恭幸申嶽毓靈尼山吐氣篤生聖輔眷  
廠魏忠賢提不世之貞心佐一朝之乾斷首勸鸞輿幸

學披丹開導立修累朝缺典竭力匡贊而且清軍實以壯  
國威捐逋稅以甦民困宸居遮建而九賦無增藩邸同封  
而四方不擾其最有功于世道人心為聖門攸賴者芟除  
奸黨保全善類自元克就繫而天下翕然稱明此即廠臣  
之誅少正卯也自要典昭垂而天下翕然稱孝此即廠臣  
之作春秋也朝廷之上昔為魍魎糾結之區而今日何繇  
開朗孔孟之門昔為邪慝冒借之窟而今日何繇清明是  
廠臣驅蔓延之邪黨復重光之聖學其功不在孟子下臣  
等涵濡廠臣之教佩服廠臣之訓念帝都為起化之地  
國學為首善之區伏願于監西教建廠臣生祠後楹即祀

寧國先公與先聖啟聖之祠同舉並行更願皇上製  
碑文一道勒石頭揚奉旨是東林邪人聚徒鼓簧誦亂  
國是構募宮帟朕甚恨之賴厥臣獨持正論挽回頽風一  
時門戶之奸若鏡照胆兩朝慈孝之美若日中天功在世  
道甚非渺小至于安內攘外剔蠹除奸免稅蠲逋扶良抑  
暴矜弁之徒得以貼席緩帶家誦戶絃皆厥臣恩德所被  
也太學諸生請于國學旁建祠祝釐具見彞德之好特允  
所請鳩工舉行  
延綏巡撫右僉都御史朱童蒙疏據榆林備兵副使楊嗣  
修呈糧儲戶部員外夏時亨手本為照厥臣魏忠賢德懋  
格天功高浴日一腔忠赤無非定國安邦之計七載輔政  
盡是保民致治之謨即就臣撫延鎮逼鄰套虜最為衝邊  
向因京運不繼軍士枵腹幾釀不測幸荷厥臣贊襄發延  
綏額銀十萬兩遂得易危為安轉弱為強營伍從此可望  
整理秋防從此可望寧謐造福既弘稱報宜渥願共建生  
祠祝釐無疆功德奉旨這奏榆關為西陲冲塞京運久  
斷饑卒呼庚賴厥臣帟幄而計切疆場綢繆而慮周桑土  
亟發十萬額鏹損起三軍瘵色功高靖園士奮敵愾真可  
嘉尚其將領軍士等謀建祠于鎮城之南以彰崇報着如  
議行祠額做祝恩

總督侍郎史永安陝西巡按御史莊謙疏同

登萊巡撫右僉都御史李嵩疏據登州知府王廷試呈據  
府屬鄉官左之宜等呈照得廠臣魏忠賢純忠報主偉畧  
匡時精神無一事不流通合細大洪纖總呈于幃幄之籌  
算美意無一處不周到舉中外朝野悉運于寤寐之焦勞  
固已順治威嚴之兼資亦且山陬海澨之畢照念茲水國  
爰請鎮臣謂東江為進取之前茅藉薄伐于六月謂天津  
為應援之後勁時犄角于三方甫啣命而東行旋報捷以  
西至况糗糧器械之多峙將貔貅爭自奮其爪牙而飲食  
薪水之自供即雞犬亦各適其鳴吠男耕女織撫四妣以  
向榮商市旅途載三山而知重允宜建祠用答豐功謹合  
辭上請奉 旨登鎮孤懸海閭時憂虜警內寧外戢具軫  
朕懷這本說廠臣純忠報主偉畧匡時籌筭定于帷中威  
嚴薄于海外鎮臣方往克捷旋聞功隆邊海崇祀宜優說  
得是准于水城府城各建祠以慰東人感德之誠寧海院  
與做景仁蓬萊閣與做留教  
山東巡撫右僉都御史李精白疏同  
督理崇文門稅戶部主事張化愚疏恭照廠臣魏忠賢精  
忠貫日經濟掀天智周軍旅匪茹外患盡消念切閭閻民  
膜隱憂頓釋三殿成而開萬年宏鉅之規三五封而衍百

世翼為之戴懸衡如止水妍媸難溷于纖毫勅法若秋霜  
賞罰必行于貴賤士民戴德遐邇共樂更生商賈蒙恩輦  
轂獨光雨露允宜度祀用展羣心奉 旨據奏在京各省  
直商人共稱厥臣貫日精忠掀天經濟籌邊體國坐致安  
攘鴻勳恤赤惠商立見閭閻樂業流恩藹如春日肅法凜  
若秋霜遐邇更生輦轂惟誦具見輿情攸同懿德真好准  
于崇文門外建祠祝釐用光瞻依永昭愛戴祠名與做廣  
仁  
督理蘆溝橋工 部郎中魯國禎疏恭照紫石玉石宸居  
之所必需而亦天地之所愛惜者也今乃採取如攜且輸  
轉若飛于以竣兩朝未竟之規樹萬年永固之業皆緣厥  
臣魏忠賢精誠格天睿算通微如禁需索平市價廣開尋  
禁車輛周澤之渥未雨之綢繆也擇紅羅殿內監趙進料  
理督運果爾車不傳軌山無留石任使之稱知人之衡鑒  
也宜山不愛寶而觀成于不日各役共圖尸祝以上昭天  
心而下綿銜結者也奉 旨這本說厥臣赤心體國丹誠  
格天鼎建需紫白石夫匠東乎惟禁索以清縻度豚而善  
使遂使奇石呈靈飛輪雲集構此巍煥功孰與儔其夫匠  
人等謀建祠宇蘆溝橋地方具見輿情字協如議行祠名  
與做隆恩

按趙進原名趙進教與送賢為狎友神宗末年已隨福藩之國矣送賢用事福府伴讀崔進以進表至追教寄書諧之送賢幾置崔進于死遂破例將進教奏陞御馬監裏草欄貼場隨改名進督理紅羅廠此乃三百年從未有之事

總督京營戎政保定侯梁世勛疏請為廠臣建祠以酬功德奉旨東警時聞詰戎為急迩來積弛之弊漸次整飭皆賴廠臣魏忠賢念切憂民計周禦寇拔擢加之將帥優惠及乎營車利于師武者靡不與害于士卒者靡不革戎政之功施既宏輿情之崇報自速准予安定門外五軍營大教場迤西建祠俾官軍操練往來永為祝釐祠名與做

著爰

襄城伯李守錡疏請捐貲附祠共祝奉旨據奏大漢將軍管班千百戶等官共稱廠臣體國忠貞籌邊石畫克襄大禮鼎建皇居惠普軍民肅清中外種功德不可殫述但就本班月糧充足差徭寬貸飽惠彌深圖報無緣願捐貲附京營建祠永効祝釐具見輿論僉同懿德公好特允所請

順天巡按御史倪文煥等疏請為廠臣建祠以報隆恩奉旨覽奏河間天津文武將吏士賈軍民等頌廠臣純忠炳日

偉策格天壯宸居以褰祠封緝紫禁而振虎旅紓黎弭盜  
何恩威之不敷剔弊除煩有困疲則必恤綢繆桑土沾被  
鄉梓允協輿情宜申崇報俱著設守祠員役以重視釐這  
河間祠已落成與名仰德天津祠方新建與名威仁  
天津巡撫戶部右侍郎黃運泰疏請為廠臣建生祠奉  
旨這廠臣赤心丹績綿聲鴻儀潛消狐黨節裁冗費士馬  
飽騰紫塞商民利賴青郊種懿美朕已鑒悉建祠請額  
已有旨了

黃運泰又疏據河間知府王建泰河間知縣薛文江肅寧  
知縣張宏德公議守祠員役查有原任游擊錢體乾堪委  
河間守仰德祠原任叅將靳廷桂堪委天津守威仁祠報  
可

運泰奉迎送賢像于郊五拜三叩頭乘馬前導如迎  
詔儀像至祠所安置訖泰運列班丹墀率文武諸官五  
拜三叩頭已至像前萬福口稱名某事某事蒙九千歲  
扶植叩頭謝又某年某月蒙九千歲陞拔則又叩頭謝  
致詞畢就班仍五拜三叩頭旁觀者皆汗下浹踵運泰  
揚甚得意焉時宣撫秦士文晉撫牟志夔亦像前跪  
稱上公萬福五拜三叩頭同而運泰志夔與閻鳴泰媚  
內鎮臣皆極備醜態志夔以建祠苛派屬員多僉其令



以解 踰期三斃解後杖下尤為慘惡

順天提學御史李蕃疏請建生祠并請額名及守祠官奉  
旨覽奏厥臣提綱肅紀弭蠹安民三韓鞏固于金湯萬姓同  
沐其膏澤即藩封一節桐葉齊剖鷓首交馳而民不告勞  
用無浮費瀛海受賜多矣河間天津二處建祠准與舉行  
並置祠官已有旨了

時內奄李永貞最用事家在通州富河庄李蕃特製匾  
額送至其家永貞堅拒不納士論快之

順天府尹李春茂疏厥臣魏忠賢掀天經濟貫日精誠慧  
眼熱腸事皆為君父撲心曠度休不計身家坐運幃

幄之籌數制叛夷之命四當外患百厘內修危材役鬼驅

神皇極中極建極三殿不日告成而士女帖然無擾節冗

補天濟地瑞府惠府桂府諸藩一時並出而舟車盡爾不

驚苞苴禁而山公之藻鑑特清灌輸勤而劉宴之箸籌若

裕辨薰蕕于俎豆精意孚二祖列宗嚴賞罰于律條

赤心徹三朝九市功勳高載于竹帛萬古為昭鴻名永垂

于鼎彝億兆均感頌薄海俱沾浩蕩而近畿尤浹醇醲咸

加派而里甲無懸罄之虞蠲鋪墊而商賈有出途之感京

軍宿飽神州威震八方潢池無驚都會風清萬里至柴夫

煤戶俱沾有脚之春而溝瘠路殍皆被隨車之雨士民生

此地蒙德特先臣等官此時分猷恐後遍詢公議盡孚職  
屬之同心欲建生祠惟待御前之明命謹會同督臣撫臣  
京畿道臣按臣學臣監臣比臣倉臣巡青科臣道臣通政  
司各等衙門諸臣并本籍鄉紳通政司經歷孫如列等合  
詞上請擇地于宣武門外建祠祝釐據實上聞奉旨覽  
奏該府所彙奏在朝則自督撫以及百姓在野則自鄉紳  
以達士民地方則自輦轂以達郡縣咸稱厥臣掀天經濟  
貫日精誠定國是以散私門奠一皇居而修曠典紓籌邊  
塞則在金湯加惠本根則人醪續豐功偉烈兼總六  
官愷澤湛恩暨被萬姓更僕未易數合喙所難名見聞既

以近地而真詢謀更以僉同而協朕心加悅所請于宣武  
門外擇地鳩工建祠祝釐表厥臣忠君報國愛民禮士之  
鴻謨昭朝廷親仁好善酌功報德之盛事特允所請以副  
輿情

通政司經歷孫如列疏竊見厥臣至誠結主上之知先覺  
任天下之重聲溢華夷頌騰朝野真職任擎天之柱而功  
高浴日之勲者矣自遼左發難海宇騷然厥臣捉獲奸細  
以奪狡謀簡用鎮臣以清兵餉廟算既周犁庭指日矣自  
安首交誼聲教幾阻厥臣指授方略以圖進勦優崇爵賞  
以鼓軍功南顧無虞遐荒底定矣三殿為萬國觀瞻厥臣

稽典籍而弘明堂之規定經營以奏靈臺之頌五材是宜  
百工惟叙營雒之殊勲媲美也分封為千秋磐石厥臣茂  
藩屏而遵成周之禮樂盟帶礪以壯漢室之闕河宗子惟  
城道途無擾封桐之盛事重光也存經綸社稷之苦心事  
事捐貲以撫循百姓運整理乾坤之巨乎心之報國以風  
示羣僚要典布傳而彝倫攸叙誦法孔子者共知向風神  
策無方而四夷坐制躬環甲冑者悉知奮勇誅門戶之渠  
魁清畿甸之蝨賊春生秋殺而貫索無冤開鼓鑄之大源  
覈侵漁之積蠹日省月試而工師咸勸拱太平于樽俎力  
致唐虞紓康濟于堂皇功鐫金石臣謹協同順天府尹李  
春茂及同官同雍同庠合詞上請乞 勅賜祠名并祈  
勅賜 御製碑文以便營建奉 旨這奏厥臣念切擎天  
功高浴日鼎建媲美營雒之美桐封襄磐石之安力剪虜氣  
謀清黔醜以至軍民之撫綏財力之生節澄辨黨與禁戢  
魁奸種 懿美朕所鑒悉孫如洌協同建祠着即營建以  
表殊勲祠名與做茂勲  
巡視五城御史黃憲卿王大年汪若極張樞智鈺公疏竊  
照厥臣魏忠賢赤心中天日月熱腸特地乾坤一體以調  
宮府萬全而策帟幄成 兩朝大慈大孝贊九重允武允  
文蓋自魏 三殿肇新于不日以及煌 諸藩遞建于當

年其間何用而非捐籌何念而非節愛然則漁羣拔茅伸  
士氣也戰奸鋤暴肅禁防也汰省車徒蘇驛困也革蠲稅  
墊軫商疲也甚則苞苴絕而官路清鼓鑄勤而貨源通恤  
伍除噐密機可以剪小奢擇賢鎮邊神算可以殲強虜此  
其功彌天壤若士若農若商若賈一時盡屬謳吟之衆是  
以思切夷夏自西自東自南自北五城敢後京府之民頃  
奉欽賜建祠卜造宣武門外五城居民願于此中効一土  
一木之力以抒報萬一相應題請奉 旨這奏廠臣赤心  
捐日隻手擎天慈孝衰乎兩朝輪奐昭于三殿建藩籌塞  
區畫常周戢暴軫疲蠲革殆盡苞苴絕而官路清覈汰嚴  
而國儲足種 懿善感在士民朕已鑒悉五城居民願附  
順天後建祠一體崇報具徵輿論之公如議行 旨  
武清侯李誠銘疏請建生祠奉 旨覽奏廠臣摠致王之  
念布經世之才力挽頽風匡襄國運使生民咸遂神武克  
張兵餉有清核之實盜賊絕萑苻之釁外清內肅政治修  
明朕所鑒知卿為國親臣歷事 皇祖具見懿德之好准  
捐貲建祠以永虔祀祠名與做鴻勛 旨  
靈璧侯湯國祚疏請捐貲附祠同祝奉 旨覽奏廠臣綢  
繆未雨區畫維新澤及臣工勲在社稷難以枚舉即禁旅  
宿衛之需久為倉蠹吞食今害去利生士得宿飽既沾醪

續敢忘報酌這所奏請捐貲集鏹附祠同祝特准以遂輿情  
五軍都督府錦衣衛等衙門公侯駙馬伯等官太子太傅  
博平侯郭振明等公疏畧曰神宗末造奸人標榜為邪  
是非蝕賞罰暗遂至夷狄盜賊內外蠱起蠢茲東虜遂吞  
全遼乃社稷有靈萬生厥臣獨受遺命一秉忠貞但知  
有皇上不知有羣臣但知有社稷不知有富貴但知有  
祖宗之法度不知有奸壬之把持故三朝闕典一旦煥然  
此厥臣首堂肯構之元功也至若邪黨逐而是非明巨憝  
僂而賞罰肅穢經祛而外之盜臣喪胆穢部逮而內外  
之貪墨寒心擒武長春而東虜詭計敗露宗社奠安在  
皇上崇德報功自有凌煙之像雲臺之圖臣等戚臣也衣租  
食稅歌咏太平寧敢忘厥臣奠鼎之功各願捐貲建祠特  
乞賜額名以垂永久奉旨這所奏厥臣志存報國功在  
奠鼎斥邪以懲墨剔蠹以祛奸擒東謀而隱憂消備軍儲  
而邊威振筭聯屬國氣懾狡夷其種勞績朕所素鑒所  
請建祠致祝永協輿情如議行祠名與做德芳  
河南巡撫右僉都御史郭增光疏請建祠奉旨據奏稱  
厥臣向日葵心格天蓋志諸所福國利民未易殫述中州  
滂蝗相仍鏹輓莫繼自委內督臣拮据調劑群情爭輸萬  
艘載途百靈効順祝釐感切衆心所請建祠着如議行祠

名與做載德  
巡按御史鮑奇謨疏同  
此祠毀民房二千餘間起建宮殿九楹宏麗為古今所  
無糜金錢十餘萬建標祠所明書大工見者駭歎蓋分  
守右叅政周鏞及祥符知縣李寓庸為之撫按頌首受  
其凌轢而不敢言云鏞家京師與魏良卿善故恣肆無  
忌祠成後上已晏駕鏞猶致書良卿欲為送賢造滲  
金像其諂媚無耻如此  
上林苑監丞張永祚疏請建生祠奉旨據奏三署甲戶  
人等合詞稱厥臣悉心民隱慮周國卹一蔬一菜皆經酌  
量屢行蠲免而久疲之署戶頓甦到處節財而正供之額  
設不減昭朝廷之儉德與閭里以樂生澤惠人心功垂萬  
世建祠致祝乃秉彛同好良牧署祠名與做存仁坊名與  
做功高冊府嘉蔬署祠名與做洽恩坊名與做洪恩流芳  
林衡署祠名與做永愛坊名與做一代元勳  
六月山東巡撫右僉都御史李精白疏據布按二司呈據  
德州知州安受善等議照厥臣魏忠賢孤貞報主殫力匡  
時挈魁柄以還至尊乾坤頓整掃浮雲而開久照日月常  
明籌萬里之情形瞭如指掌軫兆人之疾苦身若痲痺是  
以直道斯民公論在世棠陰處見德釐祝人同心况

茲東國衝衢實為神京孔道轉芻輸粟瀕河夙困于漕渠  
錦纜牙檣居民積疲于水驛厥臣戒令嚴詳內遣漕臣皇  
華載道一船行李黍餉自供至若三藩並蒞近代希聞而  
枕席過師雞犬不驚于千騎玉舟泊岬供帳弗擾于三齊  
省之直青蚨以百千萬計庇兩河赤子以數十萬家仁威  
既殫歷乎山川濺澤復滲漉乎中外堯天之巍蕩帝德難  
名時雨之霑濡元勳丕著雖居寵思抑厥臣口不言功而  
庇宇知歸羣黎爭思報德伏乞 敕賜祠額以垂不朽奉  
旨據奏東國衝衢神京孔道居民困于水驛瀕河疲于漕渠

厥臣純忠體 國殫力匡時心存節用愛人功在柔遠能  
邇即三藩並建供帳不煩內遣漕臣清嚴不擾軫恤東土

加惠已多僉議建祠具見感德之誠額名與做隆禧

總督河道工部尚書李從心登萊巡撫右僉都御史李嵩

疏同

巡按御史黃憲卿疏厥臣魏忠賢幹旋乾坤剛腸經綸宇  
宙妙手任則千萬世而一任業則千萬世而一業彼其弼  
聖明軫閭巷籌戎餉殲強虜諸休隆懿錄更僕未易悉數要  
以山左當水陸孔道舟車輻輳供億夙困乃邇來民情倏  
轉戚為舒所在輒歌德懷義其概有可得而言焉往漕船  
無地不滯自督催嚴而河干無騷徃冠蓋無驛不疲自內

鎮肅而皇華無擾以至三藩並建遠近驚心而王舟一臨  
居者安瀾觀者鼓掌其間省金錢無慮數百萬此孰非厥  
臣計周慮審乃至此哉夫抱聖賢心者不必具豪傑才競  
尺寸樹者不必修萬年規乃今厥臣才衰兩合一曙于秋  
此豈晚近代可方嘗試取古齊魯較之彼要典非孔子之  
春秋乎三極非周旦之營雒乎攷之帟幄非尚父之韜畧  
乎源之灌輸非仲父之山海乎審是則何事不宜俎豆何  
郡不應祝釐矧山以東沐膏沐澤最渥其民願得一附康  
桑情較他方倍切焉伏乞准敕祠宇更新敕賜祠名永  
垂不朽奉 旨據東省士民商賈人等合詞稱厥臣忠誠  
體國惠澤恤民無處不沾洪恩山左更蒙盛德嚴催漕運  
而河干無騷禁止郵驛而驛遞清肅王舟經過居者安堵  
觀者歡呼省民間金錢無慮數千百萬其歌咏懷慕情不  
能已輿情僉同朕所洞鑒准從民願建祠祝釐以永膺桑  
之愛祠名與做湛思

一祠二名于是議兩殿分懸撫前而按後焉 李精白  
先以麒麟歸瑞送賢具疏後即果送其第至是請祠請  
額極力揄揚嗚呼克天巍蕩帝德難名送賢而既克矣  
將置 燾宗于何地耶上樑之日精白與黃憲卿俱親  
詣展拜擬柱聯云至聖至神中乾坤而立極乃文乃武



同日月以長明精白以多福多壽易乃文乃武四字蓋惟  
恐頌禱之未至也是日三舟過河干二臣竟不迎送  
濟南分巡道副使梁廷棟屆期竟不至祠所內漕李  
明道至河干部道俱手板堂參廷棟以客禮謁于舟次  
李奄送不登岸廷棟亦竟行不願歸即懇請終養時崔  
呈秀正奪情云

總督漕運太監崔文昇總督漕運兼巡撫鳳淮戶部右侍  
郎郭尚友巡按御史宋禎漢巡鹽御史許其孝巡漕御史  
何早公疏據鳳淮揚廬四府知府劉應召等知州劉起津  
等知縣劉芳達等工部郎中等官顧民畧等漕儲等道太  
常寺卿兼山東按察使等官朱國盛等合詞請祠為照殿  
臣王柱擎天金鑿浴日掃送如雷如霆翼正為雨為露弘  
德無涯大功無並體國體民實心貫乎日月揆文揆武正  
氣載乎乾坤蓋廉以理財公以行政敏以集事儉以經國  
明以用人妙因革之設施來遐邇之歡悅既經諸臣備述  
無容再贅惟是漕河關軍國之命脈淮甸係漕艘之咽喉  
今據官軍士民無不感息戴德咸願捐資建祠以快四方  
之瞻以垂永遠之祝臣等敢公同上請奉 旨這奏殿臣  
擎天王柱貫日丹忠其定大典斥群奸鼎建祠封籌邊惠  
黎種 著有奇績即如淮安輸運咽喉河漕飛輓要領委

任得人區畫盡利軍民沾被殊恩南北帆幙靡瑞功在儲  
計誦起閭閻朕心嘉尚建祠祝釐具見懿德之好如議行  
祠名與做瞻德

工部右侍郎吳淳夫疏據臨青磚廠郎中周迪申呈看得  
臨青磚廠率皆今年輸磚來年給值以致諸宦戶始而稱  
貸繼而典鬻已而逃竄近以三殿鼎構幸賴廠臣俯念民  
隱先給價而後責成既無歲月守候之艱又無道途耗費  
之苦而且柴薪則孤買之旁邑舟楫則分覓之近河人  
競奮衆力齊舉百灶相連千帆並運此豈威令所能強文  
告所能喻哉總之廠臣才猷負海金鰲品格驚天玉柱新  
一旦補天之舉翬飛鳥革呈臨起百年剜肉之醫水輓煙  
繞雲湊壯此奕世攸賴官不擾而民復蘓返彼中澤哀鴻  
下厚土而上安宅所以家效子來之願不日輝美于肯堂  
固宜人興尸祝之思永年締庀于畏壘也奉 旨這奏臨  
清宦戶向以力疲上供戶竄逋輸賴廠臣綢繆缺典拮据  
堂構給磚價預支東省買柴料分屬旁邑即舟楫之征取  
支散之應時種之軫恤人 樂趨遂使它材得人成功不  
日朕心加悅鳩工建祠以昭愛戴如議行祠名與做萃德  
淳夫出疏後出疏簿募諸道府助工東昌知府王克民  
捐簿不發淳夫特疏奏之克民遂削奪 建祠成有折

字者云此祠其毀于冬乎蓋萃字草下為艸艸遇冬則  
隕落也已而果然

總督薊遼兵部尚書閻鳴泰疏請建祠奉旨覽奏廠臣  
猷炳匡襄功高安攘既已家祝戶頌即如畿南一鎮軫郵  
稅則尨疲頓蘇恤戎旅則飽騰立奮商賈輻輳于津梁士  
民樂業於弦誦以至奸宄肅清金湯屹峙慈航利涉桑土  
飲醇其種之美善朕已鑒知這合請建祠勝地以彰殊報  
如議行兼與守祠官員以垂祝釐永久祠名與做旌功堂  
保定巡撫右僉都御史張鳳翼疏同有旨廠臣安攘宏  
畧匡濟真心無利不興無蠹不剔釐革新于朝政供應節  
於藩封繼茲桑梓之鄉先被輯柔之德這將吏士民合請  
建祠具見向慕之誠准舉行祠名已有旨了  
巡按御史盧承欽疏同  
順天提學御史李蕃疏請建祠奉旨覽奏廠臣計安社  
稷澤滿乾坤殊勲偉烈未易枚舉至若畿南梓里尤為軫  
恤多方稽籍蠲征散財發粟將吏沐醪縑之惠軍民起焚  
溺之難師儒獲絃誦之安商賈慰出途之願感恩圖報其  
能已之所請于永安門興工建祠以遂祝釐准與舉行  
順天巡撫右僉都御史劉詔疏據霸州兵備寧三翰呈稱  
廠臣魏忠賢白水盟心丹誠報主內而廟謨國是外而邊

計民瘼靡不殫精籌畫畢慮經營政以爲安社稷奠封疆  
問疾苦察利弊不遣郵符嚴禁勘合疲驛之重困獲甦平  
治道路修建橋梁孔道之攸往咸利鋪墊草而商賈懷出  
途之想山木伐而肘腋鮮伏莽之戎採石不擾閭閻民忘  
帝力封疆永消盜賊道不拾遺諸蕃並出于一時百餘萬  
之浮費損省三殿告成于不日數十年之曠典聿新且知  
人善任制勝出奇遂使十載未滅之強敵兇鋒大挫佇看  
三韓久淪之土地指顧全恢誠曠古希聞而于今僅見者  
也今霸州道屬涿州等十三州縣官民士庶翕然有建祠  
之請惟是報功崇德大典攸闕乞 賜祠額貽休不朽奉

旨涿州地當孔道最為煩難兼以河水泛濫屢年爲災厥臣  
計先國本念切生民禁郵符之驛騷弘橋梁之通濟采石  
而屬邑不擾封疆而嘯聚全消致治保邦安內攘外純忠  
元功朕所鑒知十三州縣軍民士庶公請建祠具見感德  
之誠其祠名與做弘愛以崇美報

總督尚書  鳴泰巡按御史卓邁疏同

此祠係馮銓首倡時銓雖被逐家居與送賢往來不絕  
是年正月銓進祝壽詩百韻為送賢佐觴在駐劄庫崇  
二年給事中李遇知以巡視見之 時送賢申飭驛  
禁前任薊州兵備胡士容戶部員外馬任遠俱以騷擾

驛遞逮問

七月長蘆巡鹽御史龔萃肅疏據長蘆鹽運使孫鳳翔詳  
呈為照廠臣魏忠賢一代元勳千秋名世矢赤心以事克  
舜之主抱一德而陰伊傳之功有大經綸是真德業成  
兩朝大慈大孝日月於昭贊九重允武允文乾坤為轉  
鼎新宸極指麾迅掣風雷繼建桐封節愛遍敷膏雨砥  
柱而消朋黨世無水火之爭剔釐而杜侵漁伍有纒繆之  
樂苞首竇塞輸輓風馳鼓鑄而利源以弘賑濟而灾黎無  
困清稽勘合驛遞疲甦嚴覈漕艘弁伍蠹絕明刑飭法何  
奸究而不詰輦轂之下澄清捍患除兇無安壞之不籌夷  
虜之外震懼諸凡內治更僕難紀既游中土于化日光天  
若其外威所在赫然城堡糗糧之督理戰車火藥之潛輸  
念極桑土綢繆神周指示方畧除三韓十載之妖氣致一  
月三捷之克奏此皆神籌秘算潛天地而機先義膽熟賜  
鼓朝野而氣奮乃有此膚功偉績豈容以名言指述者哉  
惟此長蘆夙為御庖之所自供民樂輸將而恐後道乃王  
舟之所經歷高安市肆而不驚釐私販夾帶之奸成賢王  
德意之美此孰非廠臣計慮之周密萬槩之精誠事無大  
小而無敢慢功益高廣而益加耶以故黃童台叟之謳  
歌窮谷深山之愛戴有懷卜筮引領歸依而長蘆一隅之

商人亦不禁其祝釐之誠為此建祠之請也乞賜額名  
并與守祠員役以垂不朽奉旨據長蘆南北商人合詞  
稱厥臣赤心報國銳意恤民約已奉公邊腹建安攘之烈  
除奸釐蠹朝野有清靜之風功德無窮未易殫述即就煮  
海一事更蒙如天之惠共思捐靡永圖美報實輿情之不  
能已者准建祠祝釐并與守祠員役以垂不朽祠名與做  
留息

時撫按建祠已署萃肅名合請矣萃肅曰同衆烏足見  
懇懇謀之監運司官遂自具疏獨建龔萃肅者即前出  
內外兼用之疏推較崔呈秀妄希爰立者也

八月丁祭舊例俱遣閣臣代奠禮部尚書來宗道疏請魏  
良卿往行禮之頃怪風暴起殿上燈燭盡滅良卿驚悸仆  
地久之始能出聲是冬即有駢斬之禍

兵部尚書馮嘉會卒王之臣出督師給事中陳爾翼特疏  
薦崔呈秀遂奉內傳陞呈秀為兵部尚書

時呈秀以父死奪情來宗道題覆呈秀父卹典直曰在  
天之靈奏文書時讀至此上艱然變生用御筆圈  
出此四字後來祖制凡任本兵者親族俱不許與兵事  
其法甚嚴呈秀竟用其弟崔凝秀為浙江總兵會推時  
九卿無人爭執既推後科道無人糾劾使送賢不即敗

者天下事正不知所終也

湖廣巡按御史溫臯謨疏據布按兩司呈及各府士民等  
合詞請為敝臣建祠正議間忽接楚府長史持楚王建祠  
疏稿至一時在事諸臣無不願捐俸鳩工永為頌祝者臣  
等議照敝臣體國純忠籌邊偉識以澄清世道為任以翊  
贊聖明為心振刷無處不周綢繆無處不到上宣九重德  
意下慰四方瞻仰匡襄大烈安攘弘猷無容臣贅矣惟是  
楚中頻年災後兼兵餉加孤閭閻日見蕭條小民僅存皮  
骨今兩藩同建經營迫于燃眉三王並臨供億更窮于露  
肘幸 皇上明見萬里特允敝臣所請曲加體恤凡棚廠  
供應不急之需概行裁省即謂 陵拜 祖就國之常典  
權從報罷王舟經過悉遵條約典禮無缺市廛不驚而贍  
田之搜鋪設之費矜重困於楚省許協濟于隣封荆襄有  
更生之望江漢流不竭之波此三楚之民所偏承之雨露  
也羣議建祠以酌嘉美乞 敕該部議覆臣等遵奉施  
行

巡撫湖廣右僉都御史姚宗文疏同奉 旨覽奏敝臣體  
國忠純籌邊偉畧澄清看世道之任綢繆廛固圉之謨大  
烈著於安攘元功昭于中外朕所鑒悉即楚省頻當災困  
之餘兩值藩封之建乃深加體恤畢力節裁俾典禮克光

市廛不擾凡茲荆襄之衆宜隆尸祝之情這請建生祠具  
見感德圖報之美如議行祠名與做隆仁

鄭陽撫治右僉都御史梁應澤疏同

應澤欲復建祠于鄭陽荆南分守道右布政蔡善繼不  
肯申詳迫之再四善繼遂欲掛冠應澤參疏出矣聞

上晏駕追止之

楚王華奎疏請捐助奉 旨賢王說廠臣帝賚良弼國倚  
元勳護朕躬以端宸極襄鼎建以資桐封緝黨除兇風馳  
電掃停稅止礦日盎春溫至捐貲而飭塞垣飽騰士馬運  
糧而靖夷虜奏凱東西功績未易殫陳楚境亦蒙餘澤藩

第金錢節省無算地方騷擾禁緝多方江漢口碑畏壘思

報今王俯順輿情捐金一千兩助建祝釐兼有官屬樂于  
輸將具見彝好朕心嘉尚其建祠賜額已有旨了

河東巡鹽御史李燦然疏據河東道按察使蘇進呈詳議

炤廠臣魏忠賢承天偉烈貫日精忠赤膽熱腸念 從君

父起見長才遠識事 為社稷計安闡慈孝于 三朝美

輪奐于不日去浮翳而清仕路除奸宄以靖邊氣桐封沛

節爰之恩膏疆場預幃幄之勝筭若夫督儲查餉防海籌

邊普藉公忠之分猷力臻綜核之實效用是奉揚天討丕

振 皇靈孤城而摧方張之虜一月而奏三捷之奇上紓



九重之宵旰下慰羣生之手額業已帶礪錫自明廷庚桑  
徧于寰宇惟茲河東一地額課十二萬有奇欽命鎮守內  
臣靖兵核餉弊絕風清更于別釐之中倍沾軫恤無添搭  
之煩無守候之苦孰非體厥臣之德意而惠此窮商耶肖  
像祝釐亦何能已乞 賜祠名用垂不朽奉 旨覽奏厥  
臣功昭浴日德可格天衆正漸于鴻升羣枉消于鼠伏并  
封桐葉鼎建竹苞於河于邊何事不資籌量輸甲輸餉舉  
戍咸飽歡騰抗虜孤城一月三捷朕所嘉尚至除奸剔蠹  
臻澤流膏監政無苛細之求商旅有寬恤之頌爰祝畏壘  
用致仰瞻其合請建祠具見輿情踴躍如議行祠名與做  
褒勲還予守祠員役以垂永遠

山西巡撫右僉都御史牟志夔巡按御史劉弘光疏同  
兩淮巡鹽御史許其孝疏淮揚州兵鹽道右叅政王化行  
呈據鹽運使沈侍鄉及商民人等請為厥臣建祠議照厥  
臣天生睿智地毓者英輔導一人忠蓋光彌宇宙負輪三  
殿奇勲丕著乾坤藩駕行時百姓享宴然之德籌畫到處  
九邊奏攘却之功措社稷于磐石之安軫黎庶于衽席之  
上矧江北乃四方輻輳之區 聖祖湯沐之地人 蒙休  
戶 尸祝茲兩淮歲課係邊徼之急需各商轉輸乃國儲  
之永賴厥臣訐謨普徧石畫周詳吉安復額而一府免琰

食之嗟貴省增鹽使三軍無枵腹之歎護持綱紀浮課潛  
踪清查庫銀奸蠹絕跡俾三商有來蕪之望各灶守蕪海  
之工恩德已滲入于人心釐革實百倍于士庶乞 賜祠  
名准令于揚州南門孔道擇地鳩工建祠肖像大慰瞻仰  
奉 旨據奏厥臣赤城丹悃殄強鋤暴念 體國事 抒  
忠而雅揚鹽政一區恩流九徼刪浮額補正課風清蠹絕  
衙胥無伏鼠之奸海煮商蕪樂郊有安鴻之慶感深塵市  
功在邊儲其各商請建祠于揚州孔道以祝釐宗報具見  
懿德公情如議行祠名與做瞻恩  
總督漕撫戶部右侍郎郭尚友巡按御史宋禎漢疏同

此祠上樑之日 上巳賓天其孝等已哭臨矣乃脫衰

經衣吉服相率往拜還復易服哭臨旁觀者皆為咋舌

云

總督陝西三邊兵部右侍郎史永安疏請建祠奉 旨覽

奏固鎮官民士商共稱厥臣忠貞性植翼戴功高洪典褒  
于三朝燕貽輦于百世和民福國斥佞鋤奸朕所鑒知至  
云絕塞咸有恩澤罷稅而商舞于途裕糈而卒奮于伍即  
令凱捷頻奏感其威信勞敷績在東陸惠流西鄙爰是合  
請建祠太白山用伸釐祝且見懿德之好如議行其祠名  
與做懋懿以垂永久

時鼎湖已泣矣是亦不可以已乎

九月東廠太監魏忠賢疏徵臣久抱建祠之愧事奉聖  
旨地方建祠祝釐自是輿論之公廠臣有功不居更見勞  
謙之美准辭免以成雅志

江西巡撫右僉都御史楊邦憲疏廠臣功德巍事奉  
聖旨已有旨了

邦憲疏到烈皇已登極矣疏進帝且閱且笑又不  
發粟送賢覘知之急出疏辭免帝先將賢疏發票閣  
中擬旨甚溫御筆親書准他辭發出乃改擬此  
旨

時廣西巡撫王尊德建祠疏同時到右通政呂圖南與  
王善急將疏付還來後泯于無形後楊入送案而王陞  
兩廣總督

計建祠共四十所首疏作俑者潘汝禎也首請額者閻  
鳴泰也請守祠員役者張樸也稱功頌德揚詡贊歎

旨亦駢語相答四明之派其品定于此矣毛一鷺等疏  
未錄者即抄未備也頌美內閣鳴泰人心之依歸即天  
心之向順是勸進之箋也李精白堯天之巍蕩帝德難  
名劉詔之民忘帝力是直指送賢而帝也尤可恨者楚  
藩之捐助勳戚之建祠是何心乎夫與國同休戚即

使改唐為周革漢而莽尚賴朱虛之誅諸呂太尉之入  
北軍今乃齊心擁戴罔念皇恩嗚呼其肉豈足食乎  
至郭振明疏直陸萬齡後勁矣生何以覩顏稱世爵死  
何以對二祖列宗也定送案時竟不之及而守正  
蔡善繼三克民等亦無格外之旌蒲州諸公不得辭其  
責矣

先撥志始卷之六

欽定逆案

上於五年五月十八日祭方澤壇回即幸西苑送賢與客氏  
在橋北舟上飲酒上獨與高永壽二小奄泛舟至最深  
處上手自刺船二奄佐之相頷歡笑甚樂忽大風起舟覆  
上與二奄俱墮水中眾驚譁盡無人色送賢亦自投于水然  
遠不能救管事譚敬從水救駕以出二奄俱斃聖躬  
繇是成疾至七年四月御體加劇移居懋勤殿專意調  
攝霍維華聞之進獻仙方靈露飲其法取上號大米淘淨  
用甌蒸熟內貯銀餅蒸吸其汁飲之上初御頗覺甘美

久之傳諭不用而聖躬日漸浮腫醫藥罔效送賢大愠  
誚責維華維華知不可收拾遂故作相左之狀適袁崇煥  
請告急出疏言崇煥有陞無蔭功高賞薄乞以已蔭讓崇  
煥以昭公道并刺崇煥議款之悞奉<sub>上</sub>嚴旨切責既而  
<sub>上</sub>疾益甚百官于乾清宮門候安維華故為舒徐容與且  
以語侵送賢隨請告去至八月初<sub>上</sub>駕矣送黨獻計欲  
令妃嬪假稱有娠而竊魏良卿子以入送賢輔之如新莽  
之於孺子嬰也送賢納其說令人婉諷<sub>懿</sub>安后<sub>懿</sub>安  
后力拒不可曰從亦死不從亦死等死耳不從而死可以  
見<sub>二</sub>祖<sub>列</sub>宗在天之靈送賢無以難乃于十一日承

命召<sub>皇</sub>弟信王<sub>信</sub>王<sub>至</sub>御榻傍<sub>王</sub>晉<sub>諄</sub>以後事

為托而是日閣揭所批中旨禮臣廠臣輔臣等字句皆  
王體乾所擬又有獎勵送賢<sub>敕</sub>一道臚列功績力摹<sub>曾</sub>  
瞞<sub>九</sub>錫<sub>文</sub>者則閣中所擬也

信王既入宮深戒濟陽之覆轍復切南坡之異謀乃屢賜溫  
詞曲加慰勞送賢等心乃安尋出執外郎二十二日<sub>龍</sub>  
馭<sub>上</sub>賓送賢令腹奄王朝輔涂文輔迎請<sub>信</sub>王<sub>至</sub>則  
大行移晷矣

信王于九月二十六日即皇帝位大赦天下改元崇禎<sub>中</sub>  
<sub>上</sub>大行皇帝謚曰哲皇帝廟號熹宗<sub>熹</sub>宗<sub>熹</sub>宗

時禮部擬僖宗成皇帝御筆改僖為熹改成為哲

計凡遇大朝百官俱服朝衣朝冠內奄則否惟歲除祭中霤之神司禮監掌印太監代行祭禮奏請祭服之大朝止常服叩頭呼萬歲而已送賢擅政凡遇大朝自王體乾至牌子等俱僭用朝冠朝服于乾清宮大殿內照外廷儀制行慶賀三呼禮贊禮內奄一如鴟臚班首亦致詞焉後魏良卿晉封送賢改戴貂蟬冠班列王體乾之上及帝登極送賢擬仍照前行禮繼憚帝英明止用本等服色同眾叩頭呼萬歲

送賢用事動以立枷示威前後斃者以千計帝一日問

及送賢時與王體乾侍側體乾對曰大奸大惡法所不能治者用之帝感然曰雖如此說殊覺太慘非國家盛事也送賢默然與體乾叩頭呼萬歲而退

帝既登極所以優禮客魏者一如熹宗而信邸承奉盡易以新銜入內供事約百餘人左右皆信邸舊役矣乃

將送賢名下用事諸奄李朝欽裴有聲王秉恭吳光成譚敬裴芳等次第准其乞休送賢羽翼漸次剪除矣

新陞南京通政使楊所修疏論周應秋貪墨崔呈秀奪情報聞

十月御史楊維垣疏論崔呈秀內云廠臣公而呈秀私廠

臣忠而呈秀邪厥臣猶知為國為民呈秀但知貪錢壞法  
云：有旨奏內奪情事 先帝念殿工未竣屢旨自明  
不得苛求

楊維垣徐大化表姪也大化雖罷位猶占居京師至是  
睹璫局將敗與維垣密謀令參呈秀以為翻身地疏中  
雖劾呈秀猶曲護送賢云

吏科都給事中陳爾翼疏言 聖主當陽衆正布列而東  
林遺孽潜伏長安希圖翻局乞 敕下廠衛衙門嚴行緝拿  
楊所修者繇給事陞僕少亦彼黨頭目也推為南通政

恨甚因與陳爾翼李蕃等謀知局必敗思將累年惡業  
盡卸之崔呈秀而叅去之以自解又以周應秋在銓貪  
穢無耻議并除去以孫杰代仍轉所修于北然後糾合  
衆力共持殘局推所修先發爾翼繼之蕃又繼之所修  
疏上內論應秋後微點呈秀呈秀聞其謀至都察院罵  
李蕃不敢動又詣孫杰罵之曰爾身從何得爾官從  
何得乃大家相圖如此杰惶恐不能對呈秀因以清查  
繼管錢糧挾杰且曰必令爾翼出疏駁所修差可恕耳  
杰唯呈秀始去次日而爾翼緝拏東林遺孽之疏出矣  
工部主事陸澄源疏論崔呈秀魏忠賢畧曰忠賢服事  
先帝贊籌邊務拮据大工亦人臣分內事何至寵踰開國

爵列二等又先帝聖不自聖每詔旨批荅必歸功厥臣  
外廷奏疏不敢明書忠賢姓名盡廢君前臣名之禮甚至  
祝釐徧于海內譽之臯夔尊之以周孔且當時臯夔周孔  
亦未嘗有是贊美惟漢代王莽稱功頌德者至四十八萬  
八千餘人忠賢誠賢必不屑與之合輒至若崔呈秀貪淫  
奸惡罄竹難盡臺楊維垣第舉其涯末耳即奪情一事在  
先帝時猶曰大工未竟也今大工竟矣尚復竊據本兵其意  
欲何為耶有旨陸澄源新進小臣如何出位妄言姑不究  
兵部尚書崔呈秀疏人言增愧事有旨准回籍守制  
兵部主事錢元愨疏論魏忠賢畧曰崔呈秀滅倫絕義傷  
敗名教皇上大奮乾綱鋤而去之臣竊謂魏忠賢尚在  
根源未淨禍機終伏也皇上倘念忠賢事先帝微勞  
貸以不死亦宜勒歸私第散死士輸蓄藏使內廷無厝火  
之憂外廷無尾大之慮彼魏良卿輩速令解組褫紳長為  
農夫以沒世是皇上浩蕩之恩實忠賢自全之策矣有  
旨錢元愨亦係小臣如何又來言姑不究  
給事中許可徵疏論崔呈秀有旨吏部勘處  
戶部員外王守履疏奸臣罪狀等事奉旨這所奏崔呈  
秀罪狀明悉着先行革了職為民追奪誥命俟會勘定奪  
陳爾翼三疏自相矛盾是非反覆着冠帶閑住



嘉善貢生錢嘉徵疏竊見權奸肘腋道路寒心如魏忠賢者可一日追四克之誅緩魑魍之投哉謹列其十大罪一曰並帝四方奉疏二先帝與厥臣並稱二曰蔑后構張國紀之罪斥逐回籍幾危三母后三曰弄兵禁地森嚴而擅立內操招募四方無賴勒成勁旅包藏禍心四曰無君每詔旨歸美忠賢當之不疑其目中寧有先帝五曰無聖建祠太學儼然以尼山自命至以忠賢父與啟聖並尊尤屬悖逆六曰剋剝藩封三王皆神宗之子也出赴外藩隆殺自有定額而忠賢概從減削托名節省而供應錢糧俱入私囊七曰濫爵從來開國元勳始錫世爵忠賢有何功業而寧國東安平世爵鼎列出自何典八曰賂民凡忠賢所遣內員到處誅求無厭地方官惟知奉承不暇誰惜民命即建祠省直糜費金錢以數百萬計孰一非民脂民膏耶九曰掩邊功寧錦之捷文武大吏不惜以性命捐殉而論功行賞盡歸功忠賢衝邊將吏誰不解體今後孰肯出死力為國家捍虜者十曰通關節國家取士大典何等慎重而忠賢私人崔呈秀子崔鐸周應秋子周錄皆冒登賢書其係忠賢私黨子弟應試者無不倖售凡此十大罪有一于此即罪不容誅伏乞皇上獨斷于心敕下法司將忠賢明正典刑以雪天下之

憤彰正始之治有旨魏忠賢事體朕心自有獨斷青矜

書生不諳規矩姑饒這遭

嘉徵投疏時通政司力拒不收嘉徵直欲擊登聞鼓申

奏并欲參通政呂圖南圖南乃為封進疏入送賢大怒

傳意內閣擬嚴旨以進及旨下甚和舉朝咸知

聖意有在送賢輩始惶懼不自安矣

提督東廠太監魏忠賢疏患病不能供職事有旨魏忠

賢准私家調理

聖諭司禮監掌印太監王體乾着提督東廠官旂辦事原任

司禮監太監高時明着起掌司禮監印

時明天啟初年為司禮秉筆隨乞休間居王安魯具疏

欲薦時明力止之至是特旨起用

太監徐應元疏

君恩愈深等事有旨徐應元准私家

調理

應元為信邸承奉正送賢黨也在邸倚送賢勢熾驕

矜恣肆上每優容之至是以從龍恩陞司禮秉筆

太監送賢專以善後為托應元力任之時當應元生日

上命出外邸受賀隨傳諭徐應元不得復入應元請告

即准調理未幾發承天安置元年降淨軍調發鳳陽

上御內教場閱操畢令諸武奄俱赴兵部領賞諸武奄盡

出傳諭內丁着各散歸私宅不許復入肘腋隱憂消於  
俄頃次日蚤朝上傳寧國公魏良鄉降指揮使東安侯  
魏良棟降指揮同知安平伯魏鵬翼降指揮僉事十一日  
降忠賢淨軍發往鳳陽時隨後甚衆聖諭下兵部送善  
魏忠賢擅竊國柄蠹盜內帑枉陷忠直草菅多命本當肆  
市以雪衆冤姑從輕降發鳳陽乃巨惡不思自改輒敢將  
素蓄亡命之徒身帶兇刃不勝其數環擁隨護勢若叛然  
朕心甚惡着錦衣衛即差的當官旂前去扭解押赴彼處  
交割明白所有跟隨群奸着該撫按官即行擒拿具奏若  
有疎虞責有所歸爾兵部着即馬上差官星速傳示

嚴旨既下送賢與腹奄李朝欽行至阜城方投宿次朝欽先  
知之密告送賢俾自為計從衆立刻星散送賢自度不能  
免取酒與朝欽痛飲至四鼓俱縊于旅店崇禎元年二月  
順天巡按御史卓邁等奉旨將送賢尸磔之梟首河間  
府西門

客氏九月告歸私家十月奉旨籍沒押赴浣衣局收管  
十一月上命乾清宮牌子趙本岐臨局笞死尸發淨  
堂焚化其子侯國興與魏良鄉同日弃市其弟容光先與  
楊六哥發煙瘴地面充軍  
李永貞者送賢名下最用事上之出就信邸也永貞提

督料理盡行侵尅陳設器具皆潦草塞責送賢既退永貞  
鮮歸私家與掌班丁紹呂等密謀擁戴徐應元應元南譎  
永貞內懼令紹呂覲司禮王體乾王永祚王文政各銀五  
萬兩三奄俱獻進御前十一月降淨軍發承天安置後  
因李實叅逮高攀龍等疏係永禎代草填寫逮赴法司審  
問擬決不待時即正法焉

巡閱御史王會圖疏叅密雲叅將蕭惟中係崔呈秀妾蕭  
靈犀之兄靈犀故娼也語頗傷雅奉有嚴旨惟中法司  
提問

崔呈秀聞送賢之訃隨即自縊法司讞上擬交結近侍官  
員律斬其子崔鐸弟崔凝秀同魏志德魏希聖魏  
希孟魏希孔魏撫民楊文昌楊胤昌董芳名馮繼先傳之  
琮楊昌祚蕭惟中王祿俱擬煙瘴地面永遠充軍內魏良  
棟冒封東安侯年止四歲魏鵬翼冒封安平伯年止三歲  
冒襲錦衣崔鏜年止七歲崔鑰年止三歲賀無知應否  
寬其一面之網有旨崔呈秀着于薊州斬首示衆魏志  
德等俱發煙瘴地面永遠充軍魏良棟等既係孩提無知  
准與釋放以彰朝廷法外之仁聖諭吏部魏忠賢崔呈  
秀天刑已殛臣民之憤稍舒而詔獄游魂猶然鬱固含冤  
未伸着該部院九卿科道將已前斥害諸臣從公酌議採

擇官評有非法禁斃情最可憫者應褒贈即與褒贈應陰  
卹即與蔭卹其削奪牽連者應復官即與復官應起用即  
與起用有身故捏贓難結家屬波累羈囚者應開釋即與  
開釋勿致久淹傷朕好生之德

時惠世揚擬大辟在獄 聖諭出應即釋放矣猶有奮  
筆批牘改斬為戍者

都察院司務許九臯疏叅田爾耕李實涂文輔有 旨田  
爾耕先行削籍為民其家產及各處店舖着該撫按即時  
封固盡數籍沒以充邊餉李實着降做奉御發南京新房  
閑住涂文輔着降做小火者發去鳳陽司香

給事中李覺斯疏叅魏忠賢十孩兒五虎五彪虎為吳淳  
夫李夔龍曹欽程俛文煥田吉彪為田爾耕許顯純崔應  
元孫雲鶴楊寰有 旨着三法司會議具奏

准大學士黃立極吏部尚書周應秋戶部尚書郭允厚刑  
部尚書薛貞工部尚書薛鳳翔各回籍

刑部尚書蘓茂相左都御史曹思誠大理寺署寺事左少  
卿姚士慎讞上吳淳夫等擬職官受財枉法律發附近衛  
所充軍終身俛文煥五十兩吳淳夫三千兩李夔龍田吉  
各一千兩各追贓銀解邊充餉田爾耕許顯純擬職官故  
勘平人因而致死律監候處決崔應元孫雲鵬楊寰擬刑

官不論情輕重輒用慘刻刑具律發邊遠充軍  
次年新任刑部尚書喬允升左都御史曹于汴大理寺卿  
康新民改擬吳淳夫等俱監候處決  
御史楊維垣疏參送璫腹奄劉若愚有旨劉若愚着降  
淨軍發去南京 孝陵種菜  
司業朱之俊疏橫送劣生陸萬齡有旨着法司提問  
給事中間可陞疏奄黨建祠獻媚顯干法紀等事內云創  
建三祠者李蕃也聞其于天津河間真定等處倡率士民  
釀金建祠上樑迎像行九拜禮呼九千歲目中已不知有  
君父矣創建兩祠者李精白也三 之國不行送送而德州  
建祠親詣上樑何其悖逆至此且送祠中對聯有云至聖  
至神中乾坤而立極多福多壽同日月以長明居然以忠  
賢為有通道天子者稱頌何忍至此極乎乃若毛一鷺之建  
祠虎丘與潘汝積同一作俑姚宗文張翼明之建祠湖廣  
大同皆為害地方至朱童蒙延綏建祠僭用琉璃瓦劉詔  
薊州建祠僭用冕旒金像吳淳夫臨清建祠毀民房萬餘  
間郭增光河南建祠毀民房一萬七千餘間楊邦憲江西  
建祠雖奉 旨不允而先賢澹臺滅明之祠已拆毀不存  
諸如此輩上得罪于名教下播惡于生靈處以不赦之條  
當無異同者也若臣鄉陝西省城紳衿無一人請建祠者

豈非馮從吾節義廉耻之教所漸摩者深乎內有一二武弁倡議建造具呈撫按批行會議而強項之知縣姜兆張力寢其事陝民之受福宏矣又聞山東建祠時鄉紳程紹謝啟元耻于列名道府中為建祠而掛冠者尤有梁廷棟王克民其人至于江夏知縣王爾玉借熊廷弼贓事挾其子索貂裘貂帽番布古薰等物稍不如意赫以嚴刑致廷弼長男兆珪自刎于獄及廷弼妻赴縣堂稱寃復將二婢去衣責四十板天下有此貪暴之吏乎乃若德安知府李行志為楊漣贓事設印信緣簿且作募緣文不避時忌應山知縣夏之彥傾家捐俸以助漣懸坐之贓而保全其妻子爾玉視之當愧死矣有旨該部分別議覆

時科道皆係送賢門下彼此護惜莫敢訟言至是新宮考選之命下彈擊送黨無虛日矣

以疏叅皇親張國紀逮劉志選梁夢環

以疏叅逮高攀龍等逮李實李永禎劉若愚

御史吳煥疏 聖心離照甚明事內云其有天人共憤罪狀昭彰國有典刑決不容毫髮假貸者如劉志選梁夢環之傾危 聖母田爾耕許顯純李永禎李實等之同夥殺人田吉劉詔倪文煥等之贊謀助送立當肆之市朝而遺奸漏網更有一大慙曰崔文升文升為忠賢第一心腹故

特遣之督漕以扼江淮要害此其志不在小并遂虎踞咽喉凌轢撫按剝軍虐民幾激成大變巡江御史何早抗疏陳言立遭譴逐鄉紳孝廉公然逮繫如縛雞豚此其罪在李實劉若愚之上速應逮問正法者也乃若十孩兒中第三人曹欽程同朝共棄人類不齒當其先劾四御史以獻首功投入崔呈秀之幕傷殘善類無所不至科臣吳國華首發其奸立致嚴譴併所薦熊江周詩雅無端屏斥非潘士聞力擊除之其叛逆之惡不在呈秀下聞其臨出都門拜別忠賢口稱君臣之義已絕父子之恩難斷遂慟哭失聲而出如此異類亮殘亦決當擬問追贖以償三臣之命者也

疏進已有旨崔文昇法司提問矣文昇拉同伴伏宮門哭聲震帝座上即拏首倡二奄及文昇各杖一百降淨軍發南京孝陵吳疏留中給事中鍾炘疏內云北城兵馬彭大科一鄉榜耳以不往肅寧府跪賀上樑後題陞工部主事留疏半載不下竟遷雲南京東府同知陷以不可赴之缺則鄉榜中亦有強項者也

給事中曹師稷疏特陳旌忠瘴惡之議事內云虎彪為送璫腹心同惡相濟按以交結之律寧有首從之殊恭誦



聖諭魏忠賢串同心腹酷刑嚴拷誣捏私立斃多命  
天語煌煌是豈尋常貪酷武弁者比而蘓茂相等徇私賣  
法曲為諸奸出脫且監候必于原籍充軍必于附近妻子  
田園之奉如故寶山金穴之藏晏然物議沸騰豈曰無根  
乎今劉志選梁夢環劉詔李永貞並奉 旨提問矣諸奸  
罪案深重昭著非有暗昧可用推敲臣恐法司復祖前人  
之故智以護虎彪者護諸奸將何以垂萬世人臣之戒臣  
之所大懼也未云不惟寬虎彪者為縱其寬建祠者亦縱  
臺臣甯光先所云國法天理人情三不容者公論也然在  
逆璫用事時或曰獻媚耳至 聖主當陽誰不回心易慮  
而楊邦憲姚宗文敢奏無將之牘及通政司不敢上聞差  
役竟入直房挾璫勢以肆欺凌視 皇上為何如主哉今  
奉 旨處分而不先罷斥失刑莫甚又臣之所大懼也有  
旨李永貞等既付法司當依律問擬而叅楊邦憲姚宗文奏  
牘情節該部勘明來說

查姚宗文建祠疏以八月到正 熹宗病萬之時烈  
皇尚未繼統也

御史吳煥疏臣見昔年被禍諸臣朝聞命而夕就徵至不  
敢入與妻兒訣今 天討煌煌虎彪諸奸屢屢 平臺  
清問亦既嚴且震矣乃十閱月而 詔書掛壁任意優游

如劉志選梁夢環曹欽程輩皆大慝巨奸或燕息于家園  
或潛藏于京邸與援有靈 朝廷無法至漏網之薛貞以  
廟堂執法大臣公然為權門劖手敢于抗疏陳辯近聞倪文  
煥且緘書求解手办周順昌之罪于詞臣姚希孟希孟峻  
拒之立呈之郡邑即此而推則此輩以昔日炙手之靈藥  
為今日搖尾之還丹豈獨一文煥而義不納部鼎未必人  
人如希明則司寇之法安在而聽其多方營脫其如 皇  
上之威命何也奉 旨虎彪諸奸倪文煥等已久奉 明  
旨遷延在途大非法紀該部即具奏提到幾人未到幾人  
該撫按何日奉旨何日起解 後何名現今羈滯何所留  
匿何故着自行回話

太監曹化淳疏參丁詔為王安訟寃有 旨王安無罪慘  
死應得卹典該部即與議覆丁詔等着法司提問

曹化淳又疏懇恩建祠以表孤忠事有 旨王安准與建  
祠致祭祠名與做昭忠

原任左都御史高攀龍男高世儒原任左副都御史楊漣  
男楊之易原任左僉都御史左光斗男左國柱原任右僉

都御史周起元男周彥陞原任左諭德繆昌期男繆

原任太僕寺少卿周朝瑞男周 原任吏科都給事中

魏大中男魏學廉原任御史袁化中男袁 周宗建男周

廷祚李應昇男李 黃尊素男黃宗義原任吏部員外  
周順昌男周茂蘭原任陝西副使顧大章男顧麟生光後  
具疏鳴冤俱奉 旨下部議覆內魏學濂周茂蘭刺血繕  
疏有 旨責其非體着通政司申飭以後毋得封進  
刑部題釋放原任大理寺少卿惠世揚原任御史方震儒  
於獄

又題釋放原任戶部主事李柱明于獄

禮部題覆楊漣卹典有 旨楊漣准與祭一壇造墳安葬  
該地方建祠致祭還與他謚 後謚忠烈

吏部題覆楊漣贈官有 旨楊漣着贈資善大夫兵部尚

書給與應得誥命蔭一子入監讀書

禮部題覆高攀龍左光斗高起元繆昌期周朝瑞魏大中  
袁化中周宗建李應昇黃尊素周順昌顧大章卹典俱奉  
旨准與祭一壇造墳安葬

吏部題覆高攀龍贈太子少保兵部尚書左光斗周起元  
俱贈兵部右侍郎繆昌期贈正詹事周朝瑞贈

魏大中周順昌俱贈太常寺卿袁化中周宗建李應昇黃  
尊素俱贈太僕寺卿顧大章贈太僕寺少卿俱給與應得  
誥命各蔭一子入監讀書奉 俞旨

給事中瞿式耜疏特表忠中之忠清中之清慘中之慘懇

特賜殊旌事內表楊連魏大中周順昌三臣畧曰若楊連何  
如人也筮仕臣鄉常熟鐵面冰稜吏胥不敢仰視而愛民  
如子即嬰兒婦女咸得曲盡其情為令五年不名一錢百  
廢具舉錢糧之絕火耗上下百餘年僅見連一人耳入覲  
時止餘兩袖清風欲送其老母歸楚至不能治裝及居言  
路揚清激濁屏謝餽遺談及神祖光廟即涕泗交下  
故其臨死之日旁無片語但呼高皇帝陛下而已逮入  
都門小民有歎息楊都御史清官今日何至于此詰朝而  
歎息之人斃命于廠衛矣連死于溽暑踰四日方奏聞比  
領尸骸手指腫爛欲斷足之聯于脰絲毫耳迨下令湖廣  
追贖傾斜一屋所值幾何連母棲止城樓諸子乞食以養  
之縣官無可柰何為設櫃于四門遠近士民爭來投納始  
克完贖斯亦可謂人臣之特矣若魏大中何如人也大中  
為孝廉十餘年足跡不至郡邑之門設館餬口欣然自足  
自成進士以至授職行人擢選諫職從未嘗受人一錢官  
至吏垣猶賃屋以居邑中豪傑與縉紳家儼然畏如嚴師  
被逮之日微臣與南京吏部主事魏浣初往候之見合邑  
哭聲震天又後見追贖之數不過里老代還銀若干鄉紳  
代還銀若干而已其詣鎮撫也大中受殊刑未死獄吏以  
藁席捲其肢體倒豎于地如是三日啟而視之日精有藪

轉輪既死矣送璫令獄卒毀其尸故大中骸骨未全大  
尸既出伊子學泚一號而慟再慟而絕嗟乎臣忠子孝萃  
於一門矣若周順昌之死則又異焉順昌賦性清嚴疾惡  
如仇即親朋不稍假借筮官福州司理值稅璫高案肆毒  
順昌方署邑篆挺身抗其鋒忤璫之聲喧播朝野擢居吏  
部一洗陋習四方遺牘絕不敢通請告南歸止用肩輿一  
乘行李二橐而已里居日微臣一過訪之見其田無數畝  
屋無數間蕭然如野衲寒僧意豁如也魏大中逮過閩門  
順昌知其必死親詣其船詢其家事遂以季女字大中之  
孫緦騎以聞璫銜之刺骨遂假手李實一疏逮矣開讀之  
日吳閩數萬士民狂號慟哭衆憤所激擊死官旂幾成大  
變順昌長跼衰求再四士民始散則順昌生平亦畧可見  
矣初諸臣之逮也送璫使人給左光斗曰爾輩誠不辯一  
言當俾爾生還于是光斗誠諸臣曰我輩留此身異日尚  
可為朝廷用今日徒死無益是以諸臣無一言然終以死  
順昌實憤之故至鎮撫極口唾罵者惟順昌耳而昌因此  
被刑尤酷昌已死踰牆而擲其尸于夾道中巡卒撫其尸  
以磁鋒割其股血漬而甦復荷械至鎮撫昌觸石碎首血  
濺几案罵送璫不絕復加重刑立刻殞命使諸臣之死盡  
如順昌送璫或一為寒心也今楊漣既已蒙謚祠祭墓舉

天下咸感。皇上待大臣之禮不薄，而大中順昌俱蒙贈  
蔭祭葬，而未有謚。祠臣以為聖明御宇，必有一番越格  
超常之典，以優忠節之士。應將二臣特加旌表，于贈官蔭  
謚之外，總敕賜一祠，俾三臣生前為第一清忠之臣，死  
後亦邀第一褒卹之典云。

後部覆各准建祠賜謚，奉有俞旨。順昌謚忠介。

與卹贈太子少保兵部尚書高攀龍謚忠獻。

上在藩邸，素惡逆賢之黨。既處逆賢，即欲定逆案。各部僅以  
四五十人列案，以請。上怒其不稱。旨諭以諛誦贊導  
連化為題，且云魏忠賢一人耳。苟非外廷逢迎，何遽至此。

及舊輔韓爌起自田間，上召同三輔。爌、李標、錢龍錫及

冢宰王永光入，有黃袱包一事，指示曰：此皆紅本媚璫實

跡也。當一一案入之，而爌等以不習三尺，永光以吏部止

習考功法，不習刑名對。上乃命都御史曹于汭同事。時

張瑞圖來宗道，皆不列。上問故，爌等辭以無事實。上

曰：瑞圖以善書為忠賢所愛，宗道題崔呈秀父卹典，稱在

天之靈，可惡如此。又問賈繼春何以不處，永光奏：繼春請

善待選侍，不失厚道。後雖改口，稍覺反覆。其持論亦多可

取。上曰：惟其反覆，所以為真小人。俱命增入逆案。逆

案頒行天下。

欽定送案

吏部都察院接出

聖諭朕惟帝王憲天出治首辨忠邪臣子致身事君先明順  
送經凜人臣無將之戒律嚴近侍交結之條邦有常刑法  
罔攸赦豎送魏忠賢猥狡下才備員給使傾回巧智黨藉  
保阿初不過窺嚙笑以市陰陽席寵靈而饗富貴使庶位  
莫假其羽翼何蠢爾敢肆其毒痛乃一時外廷諸臣朋奸  
悞國實繁有徒或締好宗盟或呈身入幕或陰謀指授肆  
羅織以屠善良或秘計合圖扼利權而筦兵柄甚且廣興  
祠頌明効首功倡和已極于三封稱謂浸擬于無等誰成  
送節致長燎原及朕大寶嗣登嚴綸屢霈元兇送孽次第  
芟除尚有飾罪邀功倒身竄正以望氣占風之面目誇發  
奸指佞之封章跡其矯誣惡容借貸朕鑒察既審特命內  
閣部院六臣將發下祠頌紅本叅以先後論劾奏章臚列  
擁戴諂附建祠稱頌贊導諸款據律推情再三訂擬首正  
奸送之案麗于五刑稍寬脇從之誅及茲三褫其情罪輕  
減者另疏處分始開一面之網此外原心宥過縱有漏遺  
亦赦不究自今懲治之後爾大小臣工宜洗滌肺腸恪修  
職業共遵王路悉斬葛藤無曠官守而假事請張無急思  
讎而借題叅舉朕報是非以衡論奏程功實以課官方有

一於斯必罪不宥尚各懲必廼亦有終欽哉故論

一首送二人

魏忠賢

客氏

依謀及律凌遲處死已經正法

一首送同謀六人

崔呈秀

李永積

李朝欽

魏良卿

侯國興

劉若愚

依謀反律減等決不待時若愚屢疏辯冤改

監候

一交結內侍十九人

劉志選

諂附擁戴傾搖

母后驅逐戚臣罵母

之律尚寬通內之誅難追

梁夢環

諂附擁戴與劉志選併力合謀情罪維均

吳淳夫

諂附擁戴浼奸附送九遷稔惡

李夔龍

諂附贊導附奸媚送望風承旨

田吉

諂附擁戴璫姐躡轉竊勢鬻官

倪文煥

諂附擁戴拜送為父疾忠若仇奸黨無鮮

薛貞

諂附擁戴媚奸有跡劉鐸一案已足抵償

劉詔

諂附擁戴媚首竟疊建生祠叅道臣幾至

死地跡昭附送罪蔽尅軍



曹欽程 諂附擁戴媚逆竊權張威納賄報復代叅

正類削奪竟致殞生

許志吉 諂附擁戴矯旨派駐附送流毒

孫如冽 諂附擁戴京祠首建諛頌不倫朋奸騙賍

陸萬齡 諂附擁戴侮聖媚奸名教罪魁

李永祚 諂附擁戴捷功頌璫請併封兩公

田爾耕

許顯純

崔應元

孫雲鶴

楊 寰

張體乾

以上俱監候處決

一交結近侍次等十一人

魏廣微 首開諂附陰行贊導失儀忽劾因合內謀

小票潛通

徐大化 傾心擁戴陰行贊導陰拱元兇顯為戎首

楊 璉 等慘冤更多主使

周應秋 頌美三十九本題請公侯伯誥券改武蔭

為文蔭借推人以處人

霍維華

諂附擁戴主持三案羅織多人覆魏良卿

閻鳴泰

加九級至太助送顯著閃爍何為

張訥

頌美請建七祠人心依歸天心向順輒形

潘汝禎

章泰

諂附贊導首參趙南星成善類株連

李魯生

諂附交結織監潛通內廷首建送祠尤為

楊維垣

擁戴贊導代徐大化參劾後人至參崔奸

李之才

郭欽

猶為魏送稱頌

郭允厚

頌美題覆四十疏請送封莊田

王紹徽

頌美贊導造林同志錄中旨處分

馮銓

諂附贊導門生密友代嗾噬人

張瑞圖

頌美送祠坊額碑文多其繕寫

顧秉謙

諂附刑賞僭濫阿送何辭

來宗道

頌美題崔呈秀父卹典有在天之靈語

郭允厚

頌美題覆四十疏請送封莊田

王紹徽

頌美贊導造林同志錄中旨處分

馮銓

諂附贊導門生密友代嗾噬人

張瑞圖

頌美送祠坊額碑文多其繕寫

顧秉謙

頌美題崔呈秀父卹典有在天之靈語

來宗道

頌美題覆四十疏請送封莊田

郭允厚

頌美題覆四十疏請送封莊田

孟紹虞

頌美有心齋元老篤生應運等語

徐兆魁

輦導惠世揚頌大章証案皆其在刑部時

所成

劉廷元

贊導挺擊一案黨禍開先

張樸

頌美建四祠頌十二本

薛鳳翔

諂附頌美請給送封第宅鐵券

張我續

諂附頌美助工踰萬餽內有微

孫杰

贊導附璫與崔送齊名

李春燁

頌美例轉躡陞終始通內

謝啟光

贊導纂修要典稱中旨恐嚇詞林

徐兆吉

贊導竄身史局纂修要典斥逐慘殺諸臣

各欲留一罪案叱呵詞臣塗更原稿

邵輔忠

頌美贊導攻擊多其主使

范濟世

頌美自叙一歲九遷

陳九疇

郭鞏

張汝懋

周良材俱贊導

馮嘉會

頌美十六疏

曹思誠

頌美醜金建祠摧折善類

郭尚友

頌美贊導建祠有掃送如雷如霆語

呂純如

頌美護送惠藩掠斃夫役

黃運泰 頌美建祠守祠共有十疏

李從心 頌美五疏 曹爾禎 頌美建祠三疏

毛一鷺 頌美被逮周順昌激變

朱童蒙 諛附頌美建祠佐送母死奪情

姚宗文 頌美建祠有魏上公云：

孫國禎 頌美二疏 李嵩 頌美二祠七疏

李精白 頌美東省三祠諛頌六疏

秦士文 諛附祠頌七疏餽器鏤名

楊邦憲 頌美建祠疏有厥臣魏上公云

郭增光 王 點 李若琳

許可徵 陳朝輔 温臯謨

鮑奇謨 李應薦 李時馨

宋禎漢 劉述祖 劉之待

王大年 徐吉 何宗聖

魯國禎 張化愚 李桂芳

徐四岳 張永祚 郭希禹

張聚垣 辛思齊 張一經 俱頌美

單明詡 諛附躡躅巡撫肅寧城工得力

牟志夔 頌美建祠孤銀屬員稍遲立斃解役

岳駿聲 贊導挺擊誣案已燬肆辯不休

李春茂 頌美建祠給助庫銀三千兩祠成傳帖慶

賀叩拜

楊所修 頌美贊導掌吏都垣不駁封爵

李養德 頌美奪情忍同敗類

阮大鍼 頌美贊導有合算七年疏尤為巧護

元詩教 贊導諫垣專政璫諭復官

趙興邦 贊導營起復仇趙南星力致譴賍

傅梈 贊導通內開禍

吳殿邦 贊導媚璫劾樊王家追賍

張三傑 頌美五本 莊謙 頌美建祠二疏

孫之獬 贊導中崔鐸哭要典

吳孔嘉 贊導登第通內黃山一案慘殺多人

楊夢衣 諂附管工結納不避嫌疑

李茂恒 贊導薦起崔呈秀石三畏為三李之一

陳爾翼 頌美薦崔呈秀為本兵

陳維新 頌美疏云無奸不照又云清明再避

陳以瑞 諂附叩送像長楫致璫疑斥逐

余合中 頌美有臣跽伏草野蒙崔呈秀薦板語

潘士聞 頌美閩錄叙文有帝賚良弼等語

郭興治 贊導攻道學致例轉借中旨復原官

李蕃

頌美贊導建祠疏人傳為四姓家奴

賈繼春

贊導出處占望反覆無恒

安伸

頌美按差已滿留金助祠

張文熙

頌美贊導送瑞姻親

何廷樞

頌美封爵已定給賞宜優疏有查撥額地

七百頃銀二千兩

卓邁

頌美二祠二頌璫敗反攻

盧承欽

頌美贊導請刻黨籍榜示海內

劉徽

頌美贊道十一疏

石三畏

贊導噬効多人生死遭誣

汪若極

頌美阿逆兩疏羅王贊化獄媚奸

門克新

贊導羅織冤斬無辜

智鉉

頌美喉傷善類多人

田景新

贊導請加崔呈秀右僉都以資彈壓

王下珙

頌美贊導建祠疏中止稱厥臣

游鳳翔

贊導假參借糾辯復原官

周維持

贊導疏請刻黨籍拆書院

徐復陽

贊導持局結案二疏護奸害止

黃憲卿

頌美有元勳萬古為烈疏

許其孝

頌美建祠疏有魏上公云：

張素養 頌美薦邪被劾復官二祠一頌

梁克順 贊導受人意指橫肆彈劾

劉弘光 贊導頌美屢疏杆彈多屬善類

汪裕 頌美建祠守祠共七疏

龔萃肅 頌美建祠疏有魏上公云

何可及 頌美五疏先帝送璫並稱

劉漢 頌美兩疏媚送

李燦然 頌美疏有魏上公帝簡篤生等語

張元芳 贊導崔送至戚

楊維和 諂附暱奸曲盡諂媚

張文郁 諂附督工夤緣媚送

陳殷 贊導奪情視事

夏敬承 頌美拜祠首倡諛語

周宇 魏 魏弘政

張一經 俱諂附

顧鵬 頌美送祠倡拜題額

胡芳桂 諂附憑恃奧援復仇害正

阮鼎鉉 頌美贊導誣叅呂坤鄭三俊

李際明 諂附送祠落成治品供獻

郭士望 贊導自稱楊連等陷害又稱蒙崔呈秀特

薦

周鏘 諂附逆祠起宮殿九楹

季寓庸 諂附奸黨薦入銓司

以上俱坐徒三年續納為民

又另奏處分交結近侍減等四十四人

黃立極 代言秉軸碌碌狗人

施奉來 票擬不聞力諍趨諾亦未當先

楊景辰 掌院曾有頌疏

房壯麗 線索隨人指授

李思誠 頌璫疏有純忠體國大業匡時語

王之臣 操守多議亦有頌疏

張九德 秉時倖躡亮非無因

董可威 在工一味恭謹

馮三元 躡躡副院人望不孚

周維京 為應天府尹時有頌疏

胡廷晏 濫竽建牙人謂黃緣

喬應甲 撫秦滋議追賍候結

虞廷陞 參趙南星等薦李夔龍等

郭興言 浮沉依附亦有頌疏

陳序 誣參孫居相梅之煥聽人指使



郭如閣

周昌晉

馮時行

呂鵬雲

楊春茂

徐景濂

陳保泰

徐揚先

曹山谷

何早

李宜培

虞大復

葉天陞

即存性

董懋中

朱慎鑒

歐陽克材

張九賢

談謙益

夏之鼎

持議每多依傍

送璫同里以破甌營改京堂

與孫杰等中旨同陞京堂

素無大過二疏涉頌

昏憤潦倒持論舛僻

中旨復官璫敗文飾

惠世揚頌大章獄依違文致

疏爭要典不可燬

兩疏稱頌趨向不端

疏頌

朱國盛

加銜速化

稱頌形之辯揭

特遊送祠遂爾屈膝

外計不謹旋躡兵曹

已經察處借題辯復

頌璫一疏揄揚太甚

彌縫毀節

外察不謹自疏復官

堂官叅處自辯復官

董舜臣

葛大同

徐溶

吳士儁

潘舜曆

李三楚

陳守瓚

以上俱冠帶閑任

御筆塗抹去冠帶二字

崇禎二年二月

日定

附送案漏網

張樞道

疏請枚卜專為馮銓推轂

又疏參陳伯

友蕭毅中

趙胤昌道

擁戴馮銓特參丁紹軾

又疏參李瑾劉

懋削奪

袁鯨道

朋謀推轂崔呈秀枚卜與劉徽同時參王

紹徽又疏參韓策汪先岸削奪

王業浩道

同袁鯨劉徽朋謀推轂崔呈秀枚卜

又

疏參馬孟禎韓萬象方有度削奪

李應公道

疏參王洽罪其例轉孫杰李嵩

張惟一科

已有旨降調崔呈秀特疏留用

又疏參

武之望萬邦孚等又希附呈秀意陷害

侯恂侯怡

薛國觀科

疏參蕭近高喬允升閑任游士任逮問

又參熊明遇革職聽勘劉永基削奪

葉有聲科疏叅劉一燦削奪又叅歐陽調律翟學

程削奪疏薦阮大鍼

陳睿謨道疏叅劉廷棟孫必顯常番削奪

曾應瑞道疏叅范鳳翼姜習孔孫紹統削奪

岳元聲聽勘

黃承昊科疏叅南居益削奪荆養喬惠承芳閑任

楊文岳科疏叅段然削奪又叅喬允升蕭雲舉

蘓兆先科疏叅周希聖蔣允儀趙延慶削奪

顧宗孟道疏叅程紹張鍵又叅方孔昭削奪又

叅岳元聲

王時英道疏叅唐暉程註樊王家劉可法胡世賞削

奪

丘兆麟道疏叅趙秉忠劉芳削奪

王際遠道疏叅畢懋康李騰芳削奪

陳世竣道疏叅却名宦羅汝元削奪

李光春道疏叅葉向高以口蜜腹劍之奸為東林盟

主惡宜與涂一榛黃正賓並行削奪有

旨不允

田一甲道疏叅孫瑞涂一榛李朴胡忻等得罪

門戶以致外轉有旨着陞京堂用

王會圖道已經例轉自疏陳辯中旨補原官  
呂下問部營謀黃山之差同許志吉激成徽州民變  
以上二十二人俱應補入贊導

史永安 張鳳翼 袁崇煥 梁應澤

梁世勳保定侯 李誠銘武清侯 郭振明博平伯

俱建祠疏頌

曾楚卿 姜逢元 余煌 朱繼祚

華琪芳 楊世芳 張紳 吳士元

俱纂修三朝要典

湯國祚靈璧侯 李守錡襄城伯 捐貲附祠共祝疏頌

朱之俊 陸萬齡建送祠于太學之俊以司業署監

事榜示通衢云魏上公之功在大禹之下

孟子之上送賢敗急叅萬齡自解

徐時泰 陳其慶 與孫之獬張士範俱四年簡討

躡陞侍講北中崔鐸南中周錄璫黨何驛

張士範 應天試題出見而民莫不敬五句以至聖

頌送賢

陳盟 浙江試題出魏乎三句文王以民力為

臺為詔四句既頌送賢為克又頌送祠為

靈臺靈詔

李光祚

李起元

王永祚

獲武長春封肅寧伯疏頌

張惟賢

英國公

王在晉

林宗載

吳弘業

段國璋

寧遠奏捷疏頌

嘗胤緒

侯

李覺斯

三殿功成疏頌

李國樞

蘇茂相

殿工詳恩疏頌

莊起元

遠船順風疏頌

申詳送祠司道府部

除山西河南布按兩司江西按察使湖廣布政司天

津易州德州固原四道無可查考外

江西左布政王道元

湖廣右布政掌按察司劉廣生

昌平道兵備張福臻

密雲道兵備張維世

州道兵備甯三韓

赤城道兵備張翼明

口北道兵備張宗衡

赤城道兵備張翼明

榆林道兵備楊嗣修

河東分巡道蘇進

河間府知府王建泰

廬州知府劉應召

登州府知府王廷試

大同府知府李樹初

長蘆鹽運使孫鳳翔

兩淮鹽運使沈侍卿

宣府糧儲戶部員外王珍

延綏糧儲戶部員外夏時亨

提督南河工部郎中顧民畧

提督磚廠工部郎中周迪

無為州知州沈起津

德州知州安受善

房山縣知縣楊齊芳

附捐俸一百兩  
祠崇報

合肥縣知縣劉芳達

登州鄉官左之宜

以上五十九人俱應補入頌美諡附

定逆案者輔臣韓廣李標錢龍錫周道登冢臣王永光憲

臣曹於汴也當大憝斬除之後自應窮治其黨上以副

聖天子錯枉之權下以昭千萬世人臣之戒春秋之義首嚴

亂臣賊子而必先治亂臣賊子之黨法至嚴也王永光業

以本兵頌美矣以頌璫之人而定附璫之案悞孰甚焉且

也楊世芳以蒲州也戚薛國觀以沈惟炳也友俱邀恩一

面之網於是同事者皆援例而逃吏議所謂操法紀以佐

聖天子者固若是耶即就案中論之亦多有可商者謹考

祖制人臣非有大功不許封公侯所司朦朧奏請當該官吏

及受封之人皆斬律也今逆孽魏良卿斬矣而奏請之周

應秋何以異辟也交結內官近侍人員者斬律也而首先

通內之霍維華孫杰何以輕比謀殺人造意者斬律也而

羅織熊案之徐大化楊維垣何以次等也又律上言大臣

德政者斬何況奄寺而首建送祠之潘汝禎何以倖免也  
又律子蜀父母者絞此就愚民言也劉志選梁夢環甘効  
鷹犬直攻母后忍下華歆之毒手顯行成濟之操戈助  
送如此駢斬何疑而僅擬一絞何以平人心也三朝要典  
明為送賢權書矣而纂修之曾楚卿朱繼序等何以竟置  
格外也捐助之楚藩勛戚建祠之梁世勛李誠銘等頌美  
之張惟賢常胤緒獨不可奏請處分乎黃立極等身入綸  
扉而滿朝頌德遍地生祠焉用彼相而優以閑任顧秉謙  
位居首輔播惡始禍皆出其手區區贖徒遂足蔽其辜乎  
徒矣而許以納贖為民已贖非法乃即以此支當為民一  
項後者即擬閑任孰法孰甚焉閑任一欵為居官不職者  
設耳諸人既為送賢私黨豈容復廁衣冠之末而猶以不  
職之例之乎草莽放論竊為劉志選梁夢環應同崔呈  
秀決不待時霍維華孫杰徐大化楊維<sup>垣</sup>與顧大章周應  
秋潘汝禎應同吳淳夫等監候處決許顯純慘殺多命自  
當丘肆市朝以快公憤至若來宗道僭稱在天之靈黃運  
泰叩首九千歲李精白公然以克天帝德頌送孫之獬敢  
于哭爭要典應與原擬充軍閻鳴泰等俱發口外為民做  
古投諸四夷以禦魑魅之其原擬贖徒馮銓張瑞圖等  
應改充軍內王點上樑不出猶知羞惡應仍入為民一項

其贊導漏網張樞袁鯨等試題頌美張士範等纂修要典  
曾楚卿朱繼祚等建祠漏網史永安張鳳翼梁應澤頌美  
漏網王永光蘇茂相等申詳送祠張福臻甯三翰等與原  
擬開任黃立極施鳳來等俱改為民當差追奪誥命楚藩  
與勳戚梁世勳李誠銘郭振明湯國祚李守錡應題請傳  
爵革祿俟本身故後許子孫承襲張惟賢常胤緒亦應題  
請革祿三月用示懲創袁崇煥爾時雖云邊功亦應題明  
請旨定奪內呂鵬雲雖中 旨京堂而即乞差自遠姜逢  
元閣筆一歎遂遭斥逐二人似應題明開釋許其自新其  
蔡善繼梁廷棟王克民石萬程姜兆張等應加優擢以為  
守正不屈者勸夫如是庶乎得刑賞之平矣





